

四庫全書薈要

• 乾隆御覽本

集部

欽定四庫全書薈要

集部

御定歷代賦彙補遺卷二

御定歷代賦彙補遺卷二

地理

砥柱賦

明夏良勝

稽古先生方與中州君論砥柱為天下奇勝東觀子西

遊子挾所見而造焉稽古先生謂中州君曰夫二子以
遊觀名何大觀乎何遠遊乎試叩其素於砥柱何如東
觀子曰余嘗慕渤海之勝也而往觀之剡桂為舟剡蘭

為楫放乎中流與風疾徐隨波上下惟適所如四顧無
垠萬象入目水蒸釀魄天光倒浸蛟妖蜃怪鼇測鯨驗
為洞為崖為樓為臺若鈞天王都宛然在眉睫而不可
以階雖膽掉神痺瞑目尸坐中望隱隱蟻浮杯停梗泛
槎休一楫可到是曰三島方丈瀛洲蓬萊未掃曰井曰
竈丹汞未老琪樹交花蹠爾瑤草有鹿斯迎有猿斯導
玉簫寶瑟惟鳴所好童服清爽鵠侍有道鬚髮如畫顏
渥如赭羽衣霓裳燕越黛冶鳬鳥鳳騎雲車鶴駕安期

羨門王喬赤松不約而來錯雜廡下於是知神仙果出
於塵想而秦皇漢武所以慕而求之也西遊子曰子之
觀其盡是也蹈危犯險以究荒忽茫昧吾弗為者而敢
望於砥柱也耶吾嘗以山自西來天地有判恣一蹇之
力一僕之幹是陟太華而俯視於長安終南為表牛首
在冠控桃林扼藍田漆經於東沮纏於西千里沃野陸
海奚疑周卜協吉鎬都曰宜厯秦與漢自唐及隋相禪
於茲獸墮鳥棲惟智攸暨狂或舍之廟曰既黍社曰既

屋搖搖遠思動罔不觸而遺構故築遺風餘俗紛華競
奢猶有存者有蘭其皋有椒其丘披香蕙草噴氣芷洲
明庭深宮別殿離寢翼亭崇階梗枘其材丹堊其顏紋
縠疏綺金玉其班曲閣迴廊飛甍雕闌周遭其間絕壁
粉光殘流膩香荷屋葯房繚以芬芳朝可遏日夕可延
明冬毳爾溫夏浴其冰因人之勝而奪天之靈彼甘泉
建章長樂未央翠微大明阿房華清與夫石渠金馬天
祿麒麟之名入烟光而麗繁星每怪夫班生未辨張子

短才相如杜牧不足以盡上林之奇哉吾思得周遊其
間將置海島於度外矣中州君曰神仙有無愚者惑焉
富貴餘粕知者不道二子將不能上下矣顧余不翺遊
不騁觀舉目而望真意在顙是砥柱之壯將吞二子所
見於胸中而不妄二子曰有是哉藐躬之降在洛之陽
天地所會陰陽所藏嵩丘隆居伊瀍中貫百爾鳩孕莫
之具狀試舉巨麗之殊絕而與子講夫柱之在中流也
廣非逾渤高不逮華以為金耶火不可冶以為石耶溜

不可瀉惟孤撐於寰穹而混碧於長空想像其巔摩天
之連續錯其趾奠河之底岼岐倚之太行比之雷首壺
口析城王屋以輔以翼以引以縮若振策驅馳御主於
僕遠應近瞻頤氣使虜可怒可訾而莫違其所至若揮
雲遡雨擘霧祛霞宿月落星風颺號下晴空濛濛帷幕
可架朝隄未斷削出嵯岬欺雪山眇冰谷下視巫峽之
非險而鐵崖之在陸其所足多尤據黃河駕山車轉翻逐翻
海蕩波躍躍金壁澄澄綺羅擊射撼震齟齬伊邠欲究

其源之出也亦不知其幾何吐蕃有泉殆百餘泓火敦
腦兒水母乃生是星宿海自天而受隴西出塞弱不負
芥悶磨黎岷崑崙突起中高四下東北潰邇而與積石
相比葱嶺于闐苕蒲海徙潛行地中濁流伊始龍門湮
淪流沙孟津華陰洛汭涇渭並濟九河分合縣亘萬億
而柱之屹然適要其會亦有巖崖傾鼓礪砢逶迤峻嶒
呀欲隨所附麗然而望之不可登濟之不可繫故禽獸
是尾萬翼千蹄射彈奚驚而畢羅不至又安得供三豆

而獮難以至浮鷗浴鷁濯鷁吐鷁落鴈漂鳧輸芒有蟹
孕珠有贏文身跛足毒螫靈鼃鱣鰐鰭鮓魴鱧鰭鰕之
類一有負固則若水府所畜天吳所妒大罟絕網麗罟
釣餌亦何所措釣徒漁人垂涎朶頤安能致之膏瀉鹵
就臠切而厭飫於口脂若夫夏木蔽光殆不可章苟命
以延若倚若眠若犇若騫根絞枝壓若龍虎之鬪風霆
之顛帝王屈力匠氏黠巧終不得以斧斤而尋焉是所
託也猶然固宜歷古今窮造化無尺寸之推遷是故大

人君子忠臣義士振爾頽波奮擊陳義不知刀鋸鼎鑊
之在前而任天下之重足以扶危而持顛將舉是而名
旃爾二子之所見者視此為何如焉稽古先王喟然嘆
曰余東西南北人也固知中州君探禹穴者言大而非
夸夫二子真未逮也耶嗚呼噫嘻流俗滔滔莫知所感
擬斯柱者幾何人哉中州君無較也無較也益以傷余
之懷

遊峨賦

明
來知德

春到草堂陽回瓦屋玉壘之積雪方消豔潁之孤根漸
沒客有紉五芝之秀纓九畹之英遨墳素之邃圃既往
獻之清芬識風雲之變態詠雅頌之徽音駐蓬壺之岑
冑嫫日月之飈奔乃拗枯桐戒力從遂奮袂於蟠龍更
馳突於鐵鳳瘳扁舟而逆水兮歷忠涪而平都恁宣公
之忠懇兮靈丘空嶢嶢而榛蕪入鈎深而仰止兮卓承
學之刑模羌妖廟之誘民兮走九坑之荒狐跣塗山之
嶠靖兮聒賈辨於斯須涉凡水之澗泊兮驚清夜之將

徂望寶峰之寵從兮哀履霜之伯奇彼先童之克勵兮
終劉仙之可疑迺節於叙捷兮盼越雋之葱蒨閣鎖
鐵於青蚪兮江澄金於素練紛我既離鄉土兮登凌雲
而相羊覽長公之遺墨兮哀金奴之可傷望媚麓而奔
涉兮睨嬋黛之蔥蒼躋瓊樓之真境兮跨虹橋之解脫
俯玉女之雙峰兮呼歸雲而入閣古洞室室而爛柯龍
髯瀟瀟而流沫剛風颭颭而吹衣蘊石猗猗而斷僑噴
避世之楚狂兮甘粹茹於落莫豈知鳳德之未哀兮斯

道萬年而振鐸憩大峨之卧石兮斟玉液而小酌披古
字之苔蘚兮蟠蛇蚓於雲壑及臻三望更厯雙飛奔雪
濤而礧錯兮挂銀冰於十圍擎滌辨於巉峭兮忘與塵
世而相違倏思邈之虛牝兮啓懽扉之重扉智欲圓而
行方兮吾非斯人而誰歸乃尋天柱深趨翠微藟葛藟
藟而失路兮蒼樵徑之斜暉臨靈表之園囷兮因泣嚶
覩而歔歔尋九老以澶漫兮不火食而長嬰擔康食以
永年兮燭石芝而自肥約秋深以獨往兮共趺跏而忘

條崖未傾而似墮石已裂而猶交流雲靈霽而成水枯
杉斃斃而如魑骨驚心悸意奪神逃俯仰覲覲去住翫
睨爾其雞園插碧鷺館棉霄飛簷啄堆疊桶盤蛟或支
蝸石或就繩橋或依獠穴或枕螭坳憑太清以飛構越
埃塏以騰梢莫不凝魂幽礪委骨荒椒窮年累歲茹草
吞蕭快蒲根之漸老瞋松子之方彫啗耆域之榮樹護
佛調之眠彪革囊來天女之試紅芙縱烈火之燒海水
可竭須彌可搖大半秦人而越客間有投冠而棄貂乃

度天門之閼閼兮登光相之削砢撫杪櫛而四望兮信
蜀道之登天向沆瀣以縱觀兮識坤靈之磅礴指點巴
字之縈紆遙對大荒之寥廓岨嵒晒經巫陽劒閣三江
五溪週迴聯絡衆水變其蹄涔諸山窺其搭撮或虎變
而龍馴或蹕麟而翫鸞或狔獬偃蹇而蹙躡或駟獫髻
鬣以號攫或螺贏而鳴蠋或蟻蒙而螫蜚或灌叢而茂
悅或宿莽而沃若或怪兮三足六眸或奇兮九頭一角
或連兮淵客榜人之歌淮南風波相隨或斷兮匏瓜牽

牛之處河漢東西相却或覆兮孤臣逐客躬躬譏讒
帽之有懷或舒兮酒侶詩儔嘲弄風月磬礪之長嘯壯
兮力士之干戈烈兮忠臣之謇諤高兮千年萬世挺秀
於魯丘鄒阿之間卑兮朝四暮三投足於秦關燕市之
末同兮依形附勢而奔趨異兮樹黨立朋而相割南威
青琴兮煥其美甯成犖麋兮呈其惡狀別形彛糾纏赧
駁本物態之變幻類人事之紛錯亦令人喜亦令人愕
乃拂吟袖於高寒振塵衣於碧落浩浩乎不知所乘兮

登閬風而綰馬翩翩乎隨其所適兮濟神水而駕鶴乃
若連氛累靄揜日韜霞崩雲泄雨或近或賒洊渙瀲灩
吼電揚沙四塞籠煙似公超之有術單衣索纊歎遷客
之無家及爾長風擁篲盡掃浮陰雲驅萬壑日入千林
爾其白毫挺出恍若玉玦之蟠空疎霧平鋪宛如野馬
之撲面俄而蛺蝶亘於厓牙鳥語鳴其佛現豈大士之
弄丸兮以有為為露電或礖質之鬱英兮乘薈輝而流
絢方施鞭而吐火兮成纓就而規練乃若斗杓既仄啓

明尚杳午夜風微寒霜冱宵少焉暝色瞳矐燭光縹緲
始而散出幽邃繼而遙分雲表依厓乍吐若藜杖之生
花過嶂愈明如星珠之泛島一往一來或巨或小熠燿
宵流火泉夜曉將落霞而齊飛值雄飈而更燎好事者
謂之聖燈窮理者莫之探討意者山魃木衆蜃樓海市
之類經之所謂見怪物則祀之者也因勝槩之偶來念
此日之難得水將將以浩淼山蟲蟲而截案足踟躕而
九迴心惆悵而百折瞻上林而盼望兮驚題柱之奇才

對春樹以遙思兮傷騎驃之可哀嗟知己之幾何慨遭
逢之不偶每景短而思長或輪平而路陡使桓譚之鑑
別少差兮文章幾於覆瓿彼李定之萋菲既售兮甲兵
起於臂肘以夫子之忠懇兮宜鼎司而台斗何此理之
不然兮竟東擯而西走故是非蓋棺而後定毀譽何世
而不有遠眺長思感今追古孰嫖孰嫖孰賓孰主孰懷
瑜兮孰握瑕孰飫甘兮孰攻苦彼鵲螟之較鵬鷃兮固
殊形骸而蟪蛄之與翁蜚兮同歸塵土是以至人鑑金

鏡達士坐兜玄修身兮其損在我鎔鑄兮其默在天默

我窮兮則蠖屈然我達兮則鳳翥或可以肆我之志兮

羌賣卜以何嫌如俯仰之無愧兮蔑翁亦至今而猶傳

苟棲不擇木翔非日邊投彼琳瑯負此龍淵雖有賢臣

之頌兮亦明月無因而至前故寧陳情而泯泯看霧市

以媽媽繫此夕其何夕兮余何為而山嶸俯仰古今於

一望兮眇天地之何小何芝蕙之不焚何松柏之不老

嗟買銳之長鳴兮歛西昏而東曉方見紫而成綠亦視

丹而為皜信陵谷之盤蝸終舜英之難保登九疑兮隔
洞庭望滄海兮迷蓬島既達觀於真宰兮胡脫跡之不
蚤曷不齊萬物於一致兮委彭殤於壽夭歌在陸以弗
告兮與茲山而並老招浮伯以容與兮巢雲窩於霞表
擁香國之崇蘭兮對空谷以自好蹇薜荔以自娛兮時
濯纓乎幽沼雲無心兮洞門鳥長鳴兮木杪已矣乎吾
將反觀乎太初兮求自得以為寶奚嘒嘒超超乎浮名
兮坐令朱顏白足雕削紅塵道

齊雲山賦

有序

明

劉鳳

齊雲山宮者北帝之所寵靈東南之喬嶽也爰自前代
式廓基兆肆規棟構累有飭崇越休顯我大神威神光
禧斯亦靈德丕祐山川孚貺表祥垂祺聲炎之絕赫者
也逮世宗肅皇帝肇命憲繹夙感淵心迪隆天造恭用
吉玉格于昭壇俞乎懿哉遐不煜煜煌煌鬯於純精哉
猶以宮殿之制未極雍備非所以奉虔祀極閎嚴垂永
久祇肅將也爰發太府錢幣鳩繕庀緝益藻煥儼翼弘

於前勩矣余營糧千里企踵祠下遂獲瞻禮仰而歎曰
吁何異哉天人之際玄感眇微嚮格幽邈非可得而云
也暇捻旣夕股震毛栗徘徊而不能去爰嗣言於風人
用掇述其梗概賦曰

粵惟浩漻融絡川瀆峙為列嶽鬱澹澹對之爽精域土方
而磅礴戒祝融以作鎮奠坤后之廓剗眈皇輿以雄矯
庾寧一而錯愕於是封以崇山帶以巨壑爰次泰圻正
位乎灼爚惇明耀於星紀應中候而有作乃直斗分以

開嶺址齊雲而上拓緬休陽之經維埒辟王以疏爵偉
九野之瓌麗何茲嶽之鑿落瞻彼崖巘之為狀也則靡
迤延亘岵岵踣踞嶽躡乎嶸嶸也駭碣率嶮竄據窵
寓博儻寔乎韞藩也屬鴻紛以復義兮隴振鱗而扈蔚
坻砒崦岬以踈踏兮奮倕攘乎宥原發軔硤礪度蛟辰
而躋嶂嶢兮施阨陟之天嫪眈泔泔以汙汙其襲霄兮
捎適皇傑僂以蹠蹠嶠嶠嶢嶢之虜繞兮擎離右轉兮
往而橫趨霍矐芬披漫羨流爛兮合還膠轕以叫窳於

是躡步蹴躡絕翺翔兮歷浚隍而憩深淵漭漭兮石磴
磴蚪屈蟻約岬嶠欽崙陁遂紆縈降而復登凌嵒嶸而
道嶮嶮兮夫何齡轡揭旒之浸淫也亭幽繆以疏隧兮
敞噌嶠之曾岑跨迴峪以並方梁兮薄磨砢之千尋劃
崇墉徑袂之埒樓兮宕重闔以衽襟窳巖突之葺屋膏
儼兮窶磽确之依青濤襍若龍鱗映何靜宥兮晻曖
愔愔而曠霽於時未臻夫天門也迺微睇夫駘蕩之無垠
固已仰踐飛鷗而軼遊禽儲與忼恫以悵悵兮倏騰蹻

鏗暝而摩瀨清乘浮氣之搏搏兮康梁桀桀而蹠澄滓
之警警礫苔洞之折入兮馳以案行而隱砵岭蕞篇薄
之與新雉兮雨君碣礪而礪渟泓石室迤迤而攢側兮
堪巖封闕連翩以輻輳編欄青蔥靚何耽耽兮竇倨詭
叢倚而瀉津管於是危石嵌崿巉峭落勢蜿蜒而飛空
瀝液琤淙之飈飈兮翳雰霧之濛濛靈瀏濫以靈霽兮
注懸瀑飄飄以澧澧率璣珠綴晃綃帷兮榆檮嶸之穹
隆嶺漙聚納霞月兮曳柔橈嫫眉之環虹霏撲撫而架

崧兮若秋葯靡靡之從風橫澗跼走其隄絕杪顛兮離
樓相撐以互經橋仰睨窈窕而莫覩兮下踉蹌而不
暫停長電背秋涉冬之勦勦兮暝漈漈涖涖而馳迅霆
灑幡幡崩淙之斐疊兮又滄涯奔湊其泌渤蘄胡攬瀾
而失措兮觸崕岫以遠遷之剗剗標撇決裂拉隕唐兮
素雌哀號於東院雲嶠岌聊戾蛟龍澹兮訇勿律吸洪
河之倒躡趾蹈皓皛攄夫景煬兮徑闔闔而高蹠於是
偃僂傾霄而心悸兮竊覩三階之將將儼神居恍忽若

有臨兮曾不可得而名狀鞅五車連蜷於馳道兮抗營
室之嶷岨而作閭黝糾勾陳瞿為衛兮儷璿極之寥廓
以相望惟九宮之貴神握四七之旋布兮被萬象之瞳
矐而絃天綱彷彿坎熒之陰墟兮歲綏隗乎華蓋之亢
承黑帝之行德兮序列宿以昱於其方晞虛危煜以炳
明兮蕩芬第泰元之皇皇從天乙而下羣靈兮奕奕指
玉橫而焱欖槍爾其恢典度以考宮兮球琳瓊瓛珉璫
埴璠璣材林積珍奇委輸菑粟闢創倨直構模依并結

阿厥礱斲塗落以棍成駢田扶疎洞淹地軸要紹清都
離婁眇睇以候倚兮班爾心賊而不敢施其雕鏤經日
月於戶牖以為朝夕兮黔雷驤陵於軒除璇題瑋批夫
北河兮麗慶雲之灼爍乎金鋪掬若木之菁英於納陛
兮扶虞淵之莘莘以層櫨桂椒歆涌而承穰兮歎沉水
之儵歆乎蕭跗菡萏垂葯而將萼兮間壁釭之明珠梟
牢枅振之櫛比兮張廉瑕之強幹而薄其蔽寔緩荼之
宛而不邪迤兮極剗剗之工巧而曠曠督修峻之中繩

兮陳勾楯之捷攬乎朝蟬何錯紵之澤若流水兮焚攄
椅梳以子偁飛廉衙衙而通視兮睢盱上榮之不可躋
並進馮夷玄螭覩翠楹兮包六漠之無際信神明之所
廬兮陋林光與杙指於世皇之降假兮陟皓庭而覽茲
淵懿續昌飾而有所增加兮噉出日之翦夢以爨爨測
置紱正緯經兮步軌繫八神之從眡眄覽覲之比絕寒
門兮晷暗昧而罔不四施匡衛輦紅暘之酷烈兮殷紫
微之翠氣以諉誣魁低昂而衡泰宮兮肝嚙瘴玄冥以

昭類遊神北落之挈天紀兮戚玉璫之淑郁而颺景燿
肆宗裡何不顯潔蠲兮穆恭默之承釐儲精白日貫三
五兮諒貺隆之在茲於是徒觀其後負巉嶮之丹障兮
矗屏扆之扶樹中特高而造天兮席岬岬之危柱刊削
成削列帷帳兮韡煜襄乎平圃刷棧齧而重倚兮辯壘
壁竦峙以扈扈巨門堯擢之顯閭兮基弘敷而狹乎百
堵於是接以文昌之帝座兮殿虛無之寥陽歟雲旗桂
輅之翮潤兮播灑東井而轆玉房崕岫翻标标以脩脩

兮翻左屆乎堂壇翼長離之翬飛兮曲枅橫出乎宮之

鬱單櫺檻騫翥之翱翔兮珍館陰淫而彌乎巔岼覲遊

藥之標隣隄兮干青雲而未半右經三元之閼殿兮隆

庠豁以凝寒燕靈囿於東廂兮井公戲庶之西端徑緣

奧以邃窅兮何隘闔之不可殫蔓延扶臺祐迤邐兮糾

發隄阻櫟栢栢閑閑靈陵陪無疇兮櫬樽鳥舉櫬獮猿

澧泉涌溢貫中唐兮隴隅陽馬柳夷衍於是振溪通谷

扁庠乃緘閨闔坂院堂奧隄陸礪礪文砥雜黼礪澳洞

室間榭宴清玄邈因方就圓不待改築落彩制究華縵
箭林麓流盪盜竒葩鞞鞞被以修竹其巔巢寮皴離文
木松杞琴儷檀栾芊蕞莽尊峰冠廣瀼石院傍欲墮兮
遺光曜忽奮飛兮突若疇懸萬仞兮庭隈隩仰岵峒兮
遙相勞附障巖兮薄陟隄綴阨兮跬不任踦窈窕隙
窳兮頽阨侈隕之齟齬殷漲漱之驚流兮暴灑晴空以
颯澍雨漉溟漉以消截兮濺漫漫之淒淒陟叢灌距山
之岐兮閱縹碧之嶷嶙然翕歛而不徹兮又堪隘而蔽

啟節天梁之自然兮，竄崆峒沃若於河津。峽嶕嶢之前，
崔兮嶧嶭鄰於青旻。翹香爐之峻峰兮，羗秀出之逡巡。
瀛呼吸而上通兮，風澌澌而下淪。固彊稟之宅靈兮，吐
含化育而乘象辰。雲烟盪沃霈霈兮，見怪物之崕輪。霏
蒸潤以薛越兮，憤盈混漚以陶冶。乎兆人浥濡沆瀣之
養，養兮嗽嚙霞液之飮。氛飈貞翼憲勞謙兮，鞏兢業而
賓筵。萬神貶思抑慮之奉欽兮，何勗戒誓之能流。廷
臣蟠七宿瞻玄武之分兮，感皇心之精裡。盖况榮顯尊

之召嘉號兮何殊祥之不臻
咎恢崇而鑠懿和兮膺膺
保我人民禪云亭兮封梁山
天顧懷兮盛德躬合靈符
兮瑞便蕃漸萬世兮滋永年
極古之休則兮豈七十二
后之足云頌曰瀏瀏鱗鱗
溟溟泮泮黠黠廣廣汗汗兮歛
配黎賴賁與姚懿溟溟兮齋
滌忽泱精瘞迟迟孰知其朕
兮禮崇照照號戒招搖於嗟
旅兮喬嶽懣懣玄瓚
揆杼洪鬯秬兮馨惟馥芬穰
穰降福百物宣序兮

九龍山賦

有序

明

鄒迪光

夫懸圃具茨姑射瀛霍不周疎屬方壺員嶠之類胥神
僊玄嶠靈怪幽墟標名域內托跡象外武跡不及評隲
何繇若乃終南太一天孫酉陽宛委仇池媧宮祝融二
華之屬秩視三公號崇萬禩度懸事備崇望數殊自昔
炳烺無煩揚詡至於從都作鎮循邑為表合符受瑞毓
異鍾英要履勝流賈藻藝苑其在域中靡可殫悉然或
疆里實而昭藐無倪或載籍缺而詢咨失覈或名存而
實左或曩著而今湮其於頌紀將非實錄惟我九龍山

者為觀一邑擅勝三吳瑞氣日以駐禕人文藉而毗輔
圖謀具在故老聞知遊目有餘寄心無盡備在操觚能
乏偁引云爾賦曰

夫何茲山之離奇竊糾兮簪芙蓉而有九屹巒嵒崿岫
撐日月而躡星斗兮冠諸峘岷嶢嶢以為首遠則禹祁
鄧尉夫椒金庭穹窿玄墓天平支硎香蘭唐貢離墨甄
荆輸衷茵伏若屐若蹲近則月脾石盆西顧南橫路耿
嶧崒白檐黃文雞坑鹿頂五浪七雲屈體列峙若兒若

孫故能翕歛旬始拂踰氛侵播莫浮歆歆投倒景化彼
赤霄槩乎泰清趾厥白榆弼於紫冥甌譚緇而奔冒嶠
猶翻而天矯嶮嶮褫以稟屬岑蘭悅以區眇巖何剗剗
劣窮阼竝崢嶸磈礧礧碣磳砢砢若琥虎贲奮距虛擊
朋毖而逞誰不怵惕每石堯堯紛乎岨嶠糅糗恢僻賓
陳雜置若斧若鑣若莒若鐫若簣若籩若敦若孟盤蹠
枳足不可以趨即惟倅以謀勇實彳亍而躊躇吐氣為
雲五色續紛歔歔娛娛翹翹鬱鬱靄靄鑣鑣晰晰霄霄

或襲霞而綺旒或貫月而嫵煙或含水而激瀉或抱石
而絢縕莫不覃爍蘊茂蕭索輪囷冠珥干呂如綏如纓
為喬為卿而迟迟於檐鈎白石之塢瀾瀾於梁谿蠡澤
之濱時或豁訝瀕洞劃然中枵箕伯扇之萬籟齊號颼
颼颼颼調調刁刁若叱若吸若激若謫若怨若訴若怒
若叫小者筊篴鉅者鼓鼙大陸捲浪修岳鼓濤變跂奮
疊而起舞雲陽竦臂以招搖爾其山脈寫遠有漶者泉
仄沸而汎隱現而瀦合出而瀟噴瀑而懸瀆淪滲淫輸

而匪馬托於一潭評水方域此為二泉覈實定品殆莫
之先夫其困泣汪洸澹洌澄鮮若秋雲之在天其混瀚
灝渙流映揚光若西子之臨妝其泓沚洞滌漸濂汜寢
若冰綃之曳影其幽馨清馥襲肌撲鼻若天花之醖醇
雖大浸稽天而不濫即焦煙爍石而不涸又若恒河之
繩繩如昨而銀漢之盈盈自若於是陸羽杜育盧仝王
肅之倫周顒阮籍劉伶孔顗之列斟彼瓊滋屏此玉液
用以煮月園烹雀舌釀麴生汎竹葉磁甌傾乳銀缸漬

雪歡之而塵慮惺飲既而愁城滅又若帝臺之漿三危
之漑可以蠲疾延齡而消煩解渴其餘若寒乳松苓滌
硯惺惺龍鳳滴露慧照若冰皆二泉之別派將一本而
支分縱同出而異號亦避潔而遜清遂使西隄白下東
越闔閭南浮江界北軼海虞人飲之甘家計而儲莫不
小舳峨舻且載且馳千夫擔荷前唱後喁若裹蹄之貢
少府黍米之稅天府而盡日夜以委輸若乃廣衍延袤
旁闊素慮包絡四陞囊括陝阻蹂躪塿壚廢坵畝隈仍

仍樓袷袷揖擗康莊相錯崇期交會屋室隱賑羅肆
列隊亦有貿賈帶嚮駢空鉅規兼呈隍呬鼎沸野橋白
板朱樓對踞官道綠槐青旆欹翳有河間之數錢多臨
邛之滌器負壘而處爰有良田香塍昀昀繡坂漫漫源
泉漑灌注陌阡陰不虞伏陽不虞愆青陽聿享臯陸
土埏畚鍤雲集饁星連以薦以菜載芟載翦維彼山
農少習不遷及畱畬熟種桂滋場既滌獲已程錄社長
集閭師雞豚時薦壺觴橫至定一為十拘五作二謹誦

數澤啼歆壁塢夕陽在麓傿傿而舞若其瞿曇金舍薄
迦琳宮鳳刹瑰瑋龍池玲瓏健陀燿燦阿蘭蒙茸栴檀
百尺盤蓋千重層藥相承浮棟交幪精藍窺銀儼若附
庸皆踦靈鷲以駛駢轡仙鷲而踈踊中間紺園發燄金
像騰光蔭蔔菴羅吐葩垂芒迦陵頻伽韻竹嘒簧赤髭
踉蹌白毫焜煌踏杯合沓杖錫忽恍白日雨花青山蓮
掌珊瑚舌動而經韻海潮珠火眉高而人欽寶相當夫
佛日營齋僧辰布法則有優婆婆羅門之輩纍息股弁

肩摩趾齧離離魚貫僂僂猱攝蹠啟揄搃盤跼勃宰揮
汗靈淋舉袂風揭相與穿軋芴破蒙密踉金繩班鴈塔
搏清鐘擊寶鐸千炬烜蔥菁衆香熏碧落信慈氏之兜
率而如來之極樂也兼有洞玄內觀上清邃宇列僊攸
館明神所處檐葩傑僂棟蕊慘纚玉題金榜鱗次櫛比
旗旒長懸郅偈不徒青鳥翔集白鳳戾止恍闔闔之可
叩覩玉女之嚳噓薌咲矜乎九天步虛聞於百里彼謝
羅之羽室三千白岳之玄廬百二茲焉亦足以比擬至

於數里之內不乏名園依巖倚阜背壑面樊涼臺借石
水榭通川檀藥茂樹蕙畹芝原左隣佛苑右譏仙壇陰
磴無地修廊迄天重檻妖娘黝洞蛇蜒石苔駁蝕竇溜
時泣濃翠妒日深碧吐煙不風木鼓未雨條眠橘柚垂
實桃李不言或藉資荊牧而河陽館築或肥素使越而
好時居遷或類陶公解綬而園開三徑或學支遁買山
而家無一錢此其人雖異而皆有平泉之綺麗辟疆之
精妍可以當山林之樂事而畢考槃之餘年巖巖路盡

陋谷已窮杳然太古絕無人踪古蘚如石千年一封白
雲自在碧澗淙淙桃花流水宛然可通誅茆其間數椽
以容植石為牀架壑而屋鹿麋與友雞豚自牧不知晦
朔罔識寒燠龐眉皓首雖野不俗鼓腹而嬉山涯水澳
日遲颺颺臯隴初沐放杖相遭邂逅匪速偶與之徘徊
焉瞻矚焉歎城郭之回換悲陵谷之反覆數人物之興
替較年歲之凶熟曲瓢承漿瓦盆置菽藉草蔭樹折荆
代燭鞠盃不設禮數甚樸又何嘗宅華胥畏壘而家太

蒙栗陸也祇洹之旁清都之隙附以佳城牛眠馬鬣金
鳧內躍石鯨外踢草木象山魚膏為澤黃泉之下亦有
白日自謂千秋永不磨泐誰知青草迷離白楊蕭瑟山
廬夜啼磷火畫出荊棘參霄芻蕘競入狐兔竊伺媿臘
不食信人代之有盡而山川之無極既速朽而易化即
厚塋其焉益將不免於牛山之淚而雍門之泣木則松
柏枅櫨常棣甘棠含桃來禽杉樞槐楊楸梧棘棗杞
柘桑梗楠榛栗澤蒲天香旋延曲阜宗孕山岡結本屈

詰挺柯高張開砢杈榘藍黠嬋媛埽塢綢繆攢立偃仰
崔錯登飢縝分沆浪餐霜飽雪千齡而往披雲霧以舒
蔭合颼颼以振響即斧斤之暫入胡槎枿之不長草則
歲莎管蒯菩葦卷施戎葵苧臺荻蘇此蓼蕺荷射干游
冬寧夷王芻女羅拘弱菜莢苢苢如蘆薹蕪蔓藜彌原
匝阜陰夢陽愉菲菲入鼻郁郁薰福醲麤用糗藿食所
須中間茵陳草薛地榆天粉兔絲菖陽防已寄屏又能
殪羣魑驅二豎扶痿痺澤憔悴沃肉翅欲飛煉朱顏久

散若雲收瞬視軀翅便儼自由朝遊岬岫夕反河洲獸
則麋麇麇麇麇麇麇麇孤兔狼獾羆羆獬豸羆羆羆
羆羆之羆踣踣角犄犄犄獐獐眠雲石路齧草松根夕
曛共下朝霞與屯填岡盈麓或娛或犇雖則毛羣之穢
質亦助山澤而成文於是青衿屈白藏交條風媚湛露
高日景麗月貌嬌氣駘蕩時閑寥溫涼適人意調則有
顧陸右族倚頓富人遊冶少年貴介王孫竦龍劒服魚
文跋珠履振華纓乘駿駸駕瑯輪擁翠袖挾朱脣車輦

顰人殷殷搽象管叫鵝笙歌白苧理陽春落木葉動梁
塵畫地分曹因阿作屏泉為酒池山乃肉林陂陲上下
方圓雜并男女狎坐于陵于京幕丹崖兮紫絲障飾翠
微兮石榴裙傲山色兮笑靨答谷響兮懽聲念爽鳩之
無此何余樂之可經亦有名流逸侶騷人墨客塞引藜
筇蹠蹠蠟屐提攜友生擔舉歡伯佩有錦囊亦懷不律
對山月而抽黃撥嶺嵐兮浮白宛伊人兮山阿信辟荔
之可宅亦有姬姜妙質陽蔡名姝娥眉曼睂膩理柔靡

香車歷遂露紆歲蕤暫而流步嬋媛差池綦履不任轉
益其儀語笑花間從空霏微蘭膏達渟於嶮峭香氣霍
靡於嶮嶢實為泉石點染而生色非土風淫泆而貽譏
亦有九州四海八方六合之內如湘潭逐臣皇華重使
巴蜀名賈江湖蕩子燕趙俠遊吳楚奇士或凌風駐楫
或奔星挽轡慕勝而來戀奇忘去甘泉一畝萬慮滌矣
亦有獠人獵徒袒裼馳騁狂趨狻獬儼佻全並布民施
尉設機置阱青骹志厲韓盧力勁鳳鸞翊翮離合不定

於以突棘藩圪叢薄掩廣澤輯長壑鳥不及避獸盡駭

愕膏血污毛羽落不獨攬必雙捕殫殫盡穀卵竭即鹿

無虞從禽而轉剛鋌既潤霜刀以淖稱技勇弱較獲多

鮮列鮮野酌舉爵沉湎餘勇未滌既反盤桓他他籍籍

老穉聚看此雖里閭侈鄙之風倘亦山川壯盛之觀乎

嗟乎人物挺秀維山之靈效珍獻瑞自昔而徵故長康

才致擅三絕仲卿拒葬表奇節安道抗疏詆新法日休

扁舟弄水月元鎮褊心好淨潔焚香攤書清秘閣此皆

千祀流芳清修卓犖前既不誣後豈無作意者必有心
跡雙恬衾枕弗忤以詠以歌一丘一壑為之砥狂瀾而
振寥廓者矣亂曰岵岵嶭嶭表嶽嶠兮沉沉窈窕藏
窈窕兮繇繇聯聯極廣衍兮第第馥馥繁草木兮暉暉
馬育鳥獸兮俾俾版版備遊覽兮濟濟鏘鏘出高良兮
龐龐隱隱保蕃盛兮符今援昔永不失兮

金山賦

明 潘一桂

岷源斥玉輪割涪汶匯沅湘闢千流既同百谷來宅漈

滄馬灝灝焉委蛇於后土運元氣而不息焉其邇滄瀛
而趨於京口也則浩漭潢漾渟渟潏潏潏潏潏潏奔
瀾澎湃天絕漢包壘裏墟馳波跳沫怒薄天外於是天
紀蕩地維隕靈氣渙神化隱上帝東顧爰咨而軫閔焉
乃命媧積葭燼鯀竊息壤神禹操鐸巨靈伐掌驅懸圃
之秀萼割太華之奇崕躡蹏筆宰糾據鼇峙而立乎決
潁爾其峰巒之為狀也則巋嶷削方竄嶢峻嶒嶒焉
其峭子也斧脊劔鐔霞駁雲或嫵嫵焉其韞煜也排駭

浪以卓犖兮絕遊氛而負青天劈淫濤以隕怒兮殺萬
里之驕濶基以蛟宮隍以鯨波兮廓遙岸而衝崩流苞
牛曜以肇胎兮奠朱方之上遊負蹠蹠以碣起兮絕氛
垓而不留仰天嫪若龍遊兮俯蹲踞如伏牛肇孕金而
浮玉兮錫嘉名於六朝爾其靈脈之四協也則肱焦股
玉引峴控霄爾汝北顧襟帶南圖石簪揚袂盤陀曳裾
發蒨貢妍跂踵頰軀若朋昵以相勞亦綽約以共娛蒼
然鱗次稱附庸之國琛獻而賓輸爾其灑睇之遙含也

則溟渤呼吸暘谷瞳矐朝日夕月互經西東五州郭天
高驪刺穹龐巖封闕轉胸而襲觀兮矜靈揭旒繁亂而
洶洶卻雲吐雨靚何嫵嫵兮翬然嶺然開陸海之芙蓉
千甍百雉擁天塹以對峙兮翬翬言言烝以鬱蔥通封
遯域限南北界吳楚而分邦焉至若林開波府浪蹴香
城考險列構循危載甍龍蟠繡栱鶴矯雕楹珍臺彌乎
巔岼嶢榭抗乎崢嶸檻騫翥以翬翔亭竇奕以鸞擎梁
要眇以霓起鈴答蠟以檐鳴塔尋雲以上出幢干煙以

孤傳廊四闌以納爽洞玄邈以延清乃有璫珉承陸琅
玕絳植玉版分輝金繩對整瓊函芝檢晃稅藻井燦碧
鎔黃爭煜競耿五色相耀虛外含影日月熒其晶瑩星
辰襲其彪炳飛廉衙衙而斂轡馮夷輯輯而延頸迺景
純於雲墟禮頭陀於煙嶺大徹標頓悟之門玉帶落箭
鋒之穎處士擅響於絕唱蘄王失虜於速騁遊魂依法
以脫波神龍夢遊而鑒井信神明之所廬而棲心之靜
境若夫餞寒迎和淑氣初敷夭桃揚頰豔杏挺柎柔藍

淨綠貼霄而鋪輕颺微瀾若有如無於是陶嘉月藉芳
辰賓從鼎來羣楫競臻銀鮐刀鱗銜鮮漱新既乃釋舠
辭羽躡步巖橋攀躡顯氣登軀林杪躡駘蕩躡窈窕踐
飛鯤軼遊鳥奇撫雲上異拔霄表嶮突兮遠岫之隱嶙
而縹緲也洩瀚兮洪波之噓虹磷日浩漻而瀰淼也織
繹兮吳帆楚纜鳬飛電寫乘波途而踐雲道也爾乃經
慮滌煩憂捐漱靈液招遊仙弔梁衍悲吳權晚蓬壺睇
蕊淵惆恍自顧其樂忘年爾其娛樂未終流光將夕綠

霞盡滅絳雲微集瑤海上月下蕩秋沙搖瓊曳玖渙汗
滌滌若金在鎔飛躍注射餘絢隱見覽不可悉起淒響
於江溼泣鮫珠於崖隙鐘霏微以煙度鷗鷺棲而不息
於是為之歌曰翔天波兮擁明月與至清兮並遊歇安
得冲舉兮恣超忽若夫長離南邁融風扇氛爽榭鬱燿
里閨如焚更簾驟盪揚炎益熅爾乃逃暑山館招涼江
谷風穴凝寒陰巖却燠移高蔭之蕭森蔽琪枝與珍木
漸水氣之浥沆落飛颺之穆謏汲虛無之青熒斯骨凜

而神肅結幽夢於華胥與仙者而為族若乃濃雲威褭
猛吹歛侈波如活山乍伏乍起霆崩箭疾獄積電駛散
類天裂合疑地圯飛沫搖岑激洑刷屺欹檣側帆倏忽
生死乃有怒龍慙屋水馬闖犀陽侯海若雲君霓師揚
鬣鼓浪掉尾卷澌友風子雨妖譎多奇駭心眩目悚息
而崩摧信茲山之雄快兮變昏旦以展媚隔視聽於域
表兮棲神明於天際雖靈跡之冥昧兮猶夜浮乎金氣
願違世以稅駕兮脫人羣之戰兢向白雲以獨耽兮濯

靈腑於中瀝

黃山賦

元趙純翁

混沌判極品物流形安邑有山以黃得名偉矣哉黃山之為山也雄據一方壯觀千古黃壤載於書為地道之博厚黃鍾見諸易為坤道之利貞磅礴兮不知其幾尋地出甘泉兮有脈天降時雨兮有雲三十二峰兮圖畫百千萬態兮丹青上有虎嘯下有龍吟東西南北兮且瞻且仰春夏秋冬兮無古無今望之者如嵩如岱如華

如衡登之者載行載憇載喜載驚方其春且夏也黃鵠
巢樹黃鶯囀林黃荼蘼兮似蠟黃躑躅兮如金梅黃兮
調宰相之鼎槐黃兮驚舉子之心斯蓋一年富貴王孫
公子孰不欣欣及其秋且冬也黃桂其馨黃菊其清黃
雲兮有時靄靄黃霧兮有時冥冥風起兮黃沙晦明霜
殞兮黃葉飄零是亦四時之代謝達人之大觀亦何有
於傷情是故上有靈神祈雨而雨祈晴而晴祈安而災
眚不作祈稼而百穀皆成下有隱君子非比干之子孫

則留侯之未裔非潘河陽之宗派則車武子之雲仍金
刹兮山之陽琳宮兮山之陰晨香夕燈兮濟濟緇黃之
輩夙興夜寐兮鏘鏘鐘磬之聲有客謂余曰有山如許
是固一美青山綠水富貴二并余應之曰是山也東瞰
長江南接洞庭二水渺茫兮煙波萬頃一峰突兀兮風
月雙清余將依山兮築醉翁之亭汲水兮濯孺子之纓
朝於斯夕於斯饑則食渴則飲枕石漱流以終吾身客
曰是志也子先得我心之同然耳遂喜而為之同盟

玉笥山賦

明金幼孜

黿宮散兮彩雲鯨海飛兮黃塵銅山眇兮寂寞玉峰美
兮嶙峋占西江之上郡表南紀之孤青攬神秀於磅礴
通仙靈於杳冥割晨昏而軼雲雨薄光景而生風霆登
之者若廣寒百萬戶之玉寓望之者恍巫山十二峰之
翠屏余嘗攀蘿絕澗繫馬西風斷蒼崖之秋骨舒一笑
於竒逢攀危巢於棲鶻附垂翅於冥鴻發孤嘯於巖端
振萬籟於笙鏞但覩夫華蓋倚天芙蓉削玉清霜利鏑

劒插秋寒初月修眉黛橫空綠其瑰瑋萬狀而東連者
非臨川諸山列於前者乎重灘來遠千里如瀉煙消雨
浹隱若垂虹雪立風濤疾如走馬行祠候龍女之暮歸
別路泣驪駒之曉駕其蜿蜒百折而南委者非章貢之
經流繞其下者乎西連石霜百丈之奇北挹閭皂寶金
之秀或寬而坡陀或卑而培塿莫不瞻仰乎後先羅列
乎左右則諸山聳處之尊真足以配南山不崩之壽也
方將臨飛梁凌絕頂窮玄微入溟滓紉石室之藏書校

黃庭之內景俄遇鴻蒙先生虛無誕叟身佩蒼精手捫
落斗或處靜而守默或談空而說有相與吐羅宿之奇
胸騁懸河之辯口候紫氣於青牛歎浮雲於蒼狗誕叟
起揖於先生曰子亦通玄者也獨不聞清江玉筍之山
乎夫洞之名天者三十有六而法樂固為第一福之稱
地者七十有二而郁木固為無匹蓋天作而地藏宜鬼
沒而神出今子以憑虛弔古之才拔俗出塵之質不遊
於玄都千樹之時而訪於昆明劫灰之日何其異哉僕

固鄙人請告山川風物之美宮室羽儀之盛悲耳目之
所及庶幾發吾子之蒙而祛吾子之蔽也在昔此山卓
卓太古究其根盤罔知幾許錫以大白雲臺之名雜以
羣玉秦望之所崧岑第鬱嶺嶸險阻從總嶸岷岵岶岵
嶸者如龍踞者如虎方者如屏圓者如宮斷者如臼
續者如組高者如立下者如俯呀者如吞突者如吐平
者如削起者如舞向者如鬪回者如顧千奇萬狀不可
遽數其上則小山叢桂漆園大椿松檜栝柏椅桐栗榛

大餘連抱深踞重坤夸條幡纚布葉鋪紫昂霄聳壑霧
合雲屯白日而蛟蚪動微風而笙吹繁禽則出穴雛鵲
銜書神雀黃鵠白鷗金雞玄鶴旋日駕鵝鵠鷦鷯呈
其吐綬名之搗藥雲彩星馳風毛雪落或翔而集或俛
而啄是皆踰岷越嶂離瀛度弱不遠伊邇於焉茲托其
下則玉芝歲蕤瑶草綠縹葭若麝香荃蘭甘菊芎藭鶴
化金鈴櫻粟抗紫莖揚清馥耀羣芳駭衆目被幽崖施
中谷灼灼猗猗青青郁郁獸則馴虎飛葆麝香麀鹿或

獻果而攀羅或賣杏而收穀或食乎野萍或眠乎石竹
餘則五色之毛千里之足茂先所不能知爾雅所不及
錄莫不肥大蕃息絡驛馳逐以寢以叱不瘵不瘵水則
三溪八池七潭六源丹砂之井玉醴之泉服之可以永
壽飲之可以成仙滔滔瀉瀉澄澄涓涓光涵曉鏡聲彈
夜絃練橫瓠瀉枝分蔓延決而為雨積而為淵溉田百
頃衣食之源然後觸穹石赴奔川東匯彭蠡同歸海門
其中則蛟龍龜貝鯉鯢鱗鱗比目之鮓縮項之鰻沙蛤

海蚌明珠出焉亦有羣飛屬玉並浴文鴛雙鳬乘鴈鳴
翠舞鷗蒼鱗繡羽舉一漏千莫不集於淺瀨浮於清漣
唼嚼乎菰蒲菁藻棲息乎菱芡藕蓮建宮室則度其隰
原拔斯柞棧爰命工垂乃程匠石巧者獻能勇者效力
千夫雲從萬斧雷擊鑿石而龍門空斬木而虎穴赤發
嶺表之瑰材集江南之佳植倏鬼設而神運不一朝而
山積於是寶圖呈於坤靈玉梁降乎天寵倣配極之玄
都列飛霞之畫棟翬翼宇而欲飛螭負楹而不動華榱

引明月於璇題藻梲綴浮雲於朱拱露闕角之蒼龍啄
檐牙之丹鳳表以承天大秀之崇侈以天德垂光之竦
參錯乎萬像之鱗次彷彿乎九重之星拱觀其重觀疊
樓右坪左城飛甍驚海色之搖紅鉛砌鏤琅玕之連白
窗綺疏而結錢帶金釭而銜璧聚天上之星辰隔人間
之風日周河漢之昭回順陰陽而闔闢宜上帝之高居
近天顏之咫尺至若黃道雨晴瑤階塵輭翠甃下玄武
之旌魚鑰起寥陽之殿羽衣翻仙子之霓裳堆尾擁宮

人之彩扇耀孤鶴於金莖鳴八鸞於翠輦魚龍舞九奏
於鈞天鵲鷺肅羣真於旒冕濟濟乎山澤之癯昂昂乎
珪璋之彥降笙鶴於緱山來舄鳬於葉縣無非講道德
於玄文呪長生之秘典玄霜杵月白帶香殘丹氣成虹
爐存火煉進麝脯之新奇集龍根之宛轉冰桃鬪瓜棗
之筵銀瓮賜葡萄之燕又何必慕弱水之二神此塵世
之所常羨也鍾其精英發為人傑其方平重厚故為人
也沉毅而富才峭直孤高故為人也磊落而多節遠而

九仙煜爾之名近則八祖森乎其列故孔梅沈謝之羣
流歷秦漢唐宋而烜赫訪遺跡則魏氏之瑤臺何君之
石竅臺聳東華赤石之奇谷隱彤霞丹陽之奧箱峰蔓
草之似袍墨沼寒藤之學草劉通慕仙錄於徒聞夏禹
惜神樑之未造涪翁僅吟於彷彿叔夜耽伴於醉倒逮
及累朝舉由其道銀鈎賜金榜之鏤題寶篆降御爐於
恩詔信為古今之名山非遜世延年者莫能到也言未
卒先生乃欣然而笑曰子誠知管晏之齊人識昭襄之

秦客但誇夫山川之為美而不知河山之帶礪也觀宮
室之為盛而不知兩都之舊制也羨木石鳥獸之同羣
而不知斯人之為貴也慕辟穀延年之可尚而不知所
惡有甚於死也夫達人之大觀曾何足以芥蒂雖殺身
以成仁真不亡而曰在且夫大人物我本同橐籥聚則
成形散歸寥廓高為星辰低為河嶽故箕尾墜而傳說
亡尼山禱而聖人作二伯生而崧嶽降其神靈三蘇出
而眉山為之蕭索相業應乎旁求王迹寓乎筆削為藩

翰於西周著文章於東洛是皆保海內之安危兼天下之憂樂豈效乎沒世無聞但忘情於丘壑且子不聞蓬萊方壺遠則遠矣而樓船之樂未返瀉池之壁已遺莖臺井榦高則高矣而茂陵之石馬無聲柏梁之金人有淚是二君者今安在哉今欲與子窺九嶷登太行上會稽探禹穴沂崑崙觀澌渤追太史之奇蹤繼前人之遺烈挽壯士之天河洗中原之戰血然後對禮樂於丹墀進輿圖於金闕則下視玉筍之山者曾何足比於一髮

也哉誕叟聞斯言也狼顧鼠拱莫知所措夕陽今在山
碧雲兮欲暮余乃拾銅雀於殘煙分玉蟾於墜露倚桂
樹之秋香遂登高而作賦

茶山賦

有序

明
梁亭表

茶山埔陽之鎮也余以甲戌秋浪跡於茲讀書山麓生
事磊砢客況蕭條骨肉遠離親友契濶居平悒悒不得
志又為衿履牽人不獲遽引去每於淒雨寒霜之候春
回臘盡之交環視此山溟濛軋沕抑鬱而誰與語假寐

而悵寤言倉兄填兮顧而自憐遂為之賦以寫其懷辭
曰

邇迤峻嶺高跨屬城接陵巖於閩嶠連島嶼於韓亭陰
那峙其雄鎮九峻固其關局瞰靖漳之通浦列廛肆於
郊垌削芙蓉兮岵嶺環樾廕兮鬱青磴礪礪兮歲魁野
萌蓼兮清泠間登躡而睇望兮慨愁抱之叢生當其閉
閣炊藜下帷挾藻矜玄覽於縹緗頤情志於講討抽汲
冢之祕笈叩酉巖之鴻寶已乃覲岫幌之騷屑望雲闕

之槁薪雜松濤於散樗混瀑布於流潦淒鴟泣於叢枝
哀猿嘯於豐草莫不令人慨虞卿之窮愁歎馮唐之衰
老顧我心以憂傷胡怒焉其如擣若夫潘江研想陸海
抽思層雲聯翩於浮藻重淵怫悅於沉辭始燥吻而躑
躑或濡翰之遲疑亦復苦螢螟之嘈雜溷魑魍之號悲
草妖木怪兮淅瀝牛神蛇鬼兮紛披或蘄胡之蠹齧或
雷雨之颺隕心荆榛以厯亂筆苦澀而離岐矧挈瓶之
小器患仰屋於落暉或有載酒憑高班荆布席選茵草

以跌坐望坻崿而杖策蔭偃蓋兮飛觴挂疎簾兮岸幘
乃有條僂砢砢跽踰前却牽蘿薦之罽屨叢棘榛而布
刺破履霜之芒屨敝拾級之蠟屐顧徑堦之啞語苦歸
途之躑躅怪哉茲山恍惚萬狀從麓陟巔窮形盡相憑
楹軒而騁目兮塵冥雖而頻憂病莊舄之吟越兮悵王
粲之登樓聽鳴林之瀏飈兮嗟蟲蟻之喧啾繁節之
蒸浥兮痛搖落於蓐收苦長羸之蒸伏兮歎窮陰之慘
愁惟四氣之弗變兮胡荏苒而淹留懷故土之修迴兮


洵顯敞而寡仇披墳行之廣路兮臨臯隰之長洲陟雲
山之截薛兮據嶺嶠之上游萃冠珮於韋曲兮服序罽
於西疇繫余生之愚蒙兮幻翱翔於崑圃步董賈之芳
塵兮望騷雅之鉦鼓綴下里而濟偉兮敢希踪於繡虎
廢車廢於屈菴兮類陶器之苦窳馳燕越之函罇兮枳
棘鍛其儀羽黃鵠俟其速耦兮鬲實資其釜庾洵僻土
之難淹兮慚闌葺之比數步棲遲以徙倚兮望逶迤於
南浦情眷眷而北征兮將驅車而出祖悵盤桓於胸臆

兮假高衢於茲土

御定歷代賦彙補遺卷二

謹案第三頁後三行若振策驅馳刊本策業今改
第八頁後四行卑兮朝四暮三刊本四訛再據莊
子改





總校官庶吉士臣張能照

校對官編修臣楊壽楠

謄錄監生臣莫漢

欽定四庫全書薈要

集部

御定歷代賦彙補遺卷三

四

御定歷代賦彙補遺卷三

地理

登封龍山賦

明石瑤

石三子抱病登於封龍覽燕趙之墟望滄溟之浦慨然太

息顧謂二三子曰美乎佳哉此陶唐代之故都也巨嶽
雄峙長河駿奔崇岡複阜如抱如蹲萬壑衆流匯為九
澤大行崛起溢出平原川橫夏后之槌地藏虞舜之壁

八年於外地平天成五月朔巡諸侯萬國天文別埜星
當昂畢之區土壤分州域介幽并之宅川紆嶺迴鬱鬱
崔崔峭壁聳秀丹峰凝輝晴瀑挂百尋之長練顛崖轉
萬谷之礪雷上有蔽日干霄之古樹下有陵遷谷變之
寒灰俗有避秦山多入晉嶽被重封川經幾濬虎嘯風
冽龍行雷迅寒烟色舊李躬燈火之臺巖石光寒李子
合從之印萬里交乎胸中千巖縱其一瞬其東則古之
大陸也波洞鏡濛曼衍鏗鉤芡蒲菱荷肅乎風生海鳧

來遊鷓鴣互鳴牧乎觀津之野帶於平棘之城漁澗流
歌廊廟隔江湖之興秋郊舒嘯英豪含感慨之情竇氏
青山馮唐故宅納牖進言引卮正色國成茂草逢下帷
之董生饁有高賓見耕田之冀缺人傳擊筑之歌士有
談經之業貞觀章疏一代忠良稷下遺書六經羽翼疇
非治望夫唐虞豈獨事關乎列國其南則漢之鉅鹿鄆
中也臺隍尚存烟屯霧昏想中興之舊業或寄跡乎荒
原蕪葦存豆粥之亭潯水望冰漸之波北道主人塵埃

物色對竈將軍雲龍際遇地存京觀李華興弔古之詞
士遇明時文達展登瀛之步亦有閬闔池臺上存平泉
古樹閭里高門或三世而居司業或父子而握絲綸文
妙一時張鷟號青錢之選才優當代衛公陳丹扆之箴
駟有文章名崇史館絳真宰相官處詞林其西則戰國
之陁山也山愈巔坼水愈潺湲橫峰似劒列嶂為闌平
臨三晉遙控全燕車不方軌士可當關料敵機危痛左
車之不過燒丹火伏訝隋女之登仙雪霽西屏冰封壁

合雲銷抱憤墮珮遺鈿誰登望海之亭直下螺峰之境
地出危簪天開峻井龍蛇蚴蟉雨自來東麋鹿奔張泉
從地湧劉因有志登福地而高吟敬仲多情撫遺踪而
自省篇成寶劒代國神遊文慕香山司空興冷悵九原
之莫作幸吾生之登騁其北則古之中山曲陽也峻阜
迤邐達於代邊隊通窮漠谷帶長川萬籟號風危城際
天士如貌虎人擁戈鋌名寢秦謀共畏廉頗之勇喟興
漢髀人思李牧之賢宜安城復再收趙境武靈臺古遙

下胡弦地存畫封之臺巖有棄瓢之叟夢得一世之詩
豪李嶠諸儒之領袖安平之崔下曲之魏累代才名靈
壽之曹豪城之董一時勲舊朱輪紫綬門地猶雄取印
提戈聲華未朽問其士習則樂孝友敦詩書不侵然諾
砥礪廉隅氣不可平直欲裂強秦之缶清應有志幾思
登孟博之車節奮於窮壯形於老頸可刃而身不可屈
頭可斷而碑不可草觀其民風則力織作勤畎畝童稚
為婚雞豚娶婦族多辨類等其清濁禮謹送終稱其無

有至老猶勤雖貧不困人各守其淳朴俗頗希乎混沌
其尤在可稱者士不妒才人多服義彭亨狡獪雖貴蒙
嗤清介端良在微亦貴野無健訟之民官之舞文之吏
上不煩於刑戮下易為乎禁制此固先王舊澤雖經變
故猶縷縷而未衰然實聖代洪仁漸染百年首股肱之
近地者也所可憾者人不思遠家無素蓄西成遺秉簫
鼓連村春事轉空拳書絡繹平疇多發冢之夫柱礎有
斬文之石民不知兵易為搖動地無守險輕相躡蹠蓋

自列國之擾五胡之亂開元之掠長平之怨女真之入
蒙古之僭谷變千回地經萬戰民無固志殆土崩瓦解
遭亂離之孔多俗有俠情豈擊劒衝冠帶流風之未變
者乎嗟乎燕趙之地先王封建井田之地也燕趙之民
先王衣裳冠帶之民也燕趙之俗先王禮義忠厚之俗
也奈何世治則有世亂則走晉既東去宋亦南狩或割
地以求成或退兵而蹙守使夫河嶽增悲金湯冒醜衣
冠興歔草木蒙垢資壯士於敵國納寇讐於戶牖棄神

明之舊域設逋逃之淵數人不為怪士不知諾亦獨何哉此固有國家者之遠謀然亦士君子之宜憂不然高門縣簿華冕清裘致身樞要列位公侯徒因時而補益亦何貴於名流辭曰山有摧兮石有泐疇造化兮無終極亦何為兮多太息

金馬山賦

明
劉寅

蓐收炳靈房星聚精超鴻濛而合秀倏凝結而成形此金馬之山所以直聳陬而奠昆明也歟在昔神禹受命

爰分九區表嶽鎮之崇崇隅方維之頓殊有岱有華抗
東西以屹若曰衡曰恒界南北而截如曠哉梁益併包
坤隅功不假於䟽鑿地獨鍾乎膏腴起層巒之嵯峨控
南滇之故墟蘄谿硤之巖谷駕緜邈之方輿造父固莫
施其銜勒王良亦難範以馳驅觀其蔓草垂駿尖峰批
耳白月懸瞳青松掉尾漬赤潘以湛露流汗溝之邈迤
鑄莫待乎棠溪產非資於麗水形類騰驤之騏驎勢似
振鬣之騄駼過日影之須臾磨蒼旻於尺咫迨夫噓氣

成雲噴沫起風障泥炫熒熒之彩霞輦纓繞煌煌之流
虹迅雷張其猛烈疾電助其威雄瀉甘澍以注下卷拳
毛之蒙茸疊巘益翠巔崖增紅洞扉啟殿闌之宏敞鶯
聲響和鸞之玲瓏萬騎仰觀而辟易羣夷睨視而驚冲
至於岌嶮歸魏宮堯裔萃或奔如驚或驟若突峻拔天
脊峭削風骨翳翳森爽隱赫嶭嶭鬱香橫亘於百里擬長
城之矼矼是宜拱帝京之尊嚴障大藩以寧謚也或有
野老詰余而言曰子徒見其小而不窮其大知其名而

不究其實吾將為子陳之玄黃肇分氓生蚩蚩若魚若
虫無識無知聰明間出命為君師立一代之典章成四
海之雍熙嗟惟此邦視為外夷境荒荒而泯泯水漫漫
而瀰瀰姚妣置之不即顧問商周鄙之不遑保釐俾昏
迷而弗悟竟風靡於侏儻楚命莊蹻劈地遠來自王於
滇顧瞻徘徊君臣之分少定天叙之典未諧漢武奮志
勞民費財命張騫而遠出弭使節而虛回亦有孝宣不
務大體慕神怪之恍惚行禋祀之瀆禮王褒馳驛而西

上僅致一奠而乃已遺祠廟於巖阿謾冥搜而遠紀唐
畏嗟顛之跳梁宋限大渡之涯涘元雖小康亦何足齒
猗歟皇明撫有萬方聖武神文巍巍堂堂既底寧於華
夏遂有事於戎荒命矯矯之虎臣揮天戈而奮揚直指
雲南掃除欃櫓截長鯨之鬚鬣剗妖狐之肺腸顯允黔
寧智勇忠良威已宣於戡定思復盡於胥匡化強梗為
禮義變椎卉為冠裳揖讓之風濟濟絃誦之聲琅琅紹
述前列適有惠襄招攜貳以誠信鎔頑器以慈祥國公

繼之綱紀益張載平安南功業彌昌總制仁賢淑旂綏
章來鎮來臨克柔克剛致遠人之盡服邁前哲而有光
俾金馬迴然而特立與碧雞相對而相望小姑息之宋
元陋怯弱之漢唐夫然後知皇明之盛德冠古今而莫
並紀昭靖之殊勲垂悠久而不忘余聞其言拜跪嘆嗟
遂為之歌曰金馬之傍兮有稻有杭金馬之陽兮有郭
有城臣旬宣其善政兮民勤事乎農耕咸矢心而弗渝
兮願永享夫千萬年之太平

連雲棧賦

明 楊廷宣

已卯之歲時方冬矣臘云暮矣余年過賈生學慚董相
征征營營內不自定由是謀邁於行載言北征擔簦負
笈陟岵跋阻攝穹隆控青雲扣天閭順風而稱曰肇玄
黃之既判兮乃陽浮而陰橐嗟大塊之茫茫兮孰江排
而山鑿帝既設此靈險兮余總非聞乎棧閣肆皇圖之
廣運兮都形勝乎燕漠眇蠡叢之建國兮隅星分乎井
絡連秦帶蜀方五百里兮繚咸陽以為郭阻褒斜之艮

隆兮擁岐嶺之巨壑推隆理與替隆兮亦槩聞乎往索
良既策羽以絕望兮委回祿以燦灼何退身而驚擊兮
思駕馭乎帝略迄超漢而履楚兮遂用建夫三恪陽中
路以迴車兮終不爽於髮膚白發嘆而長嗟兮意深諷
乎彼夫憤儀圖之詭秘兮誑金牛以為諛憫元帝之遵
駕兮忍蛾眉而西趨侈御愛之仙蹕兮瘁萬乘之玉軀
蓋其危也足以駛駭巨麗而其致也不亦為禦侮之天
區夫山本其興也石備其崇也水出其蒙也盤龍突兀

岑崆崑崙峽洞深涯蒨蔚第鬱天之所生也地之所產
鳥不得而翔獸不得而逸四時變化剛柔錯摩交構乎
其中終始乎其內其雲則黥黯黯黯雲衣被膚寸漸
深候於本末遠視極黔邇之則黥薰於石礫黥於深谷
黥黥淹留氤氲隱天幕幙屯需落落冥冥異於常態其
雨則津津洵洵石潤林響瀑布滴珠滿壑盈瀨霑濕
霽與地潛通豁徑汪流煙樹瀾濛松膏林沐淖淖跼蹐
病於逆旅其風則飄飄颼颼轉山循谷料峭簷發颼颼

批亢巽二乘虛峻峯高颺平坻微颺颺落木寒颺切
肌石尤激射打頭周回延歷萬象莫之可捕其日則黯
淡蔽虧斜景過雲東谷西隅窺於中天曠景晦冥翳簪
瞿難未嘗昭晰其風俗之所習土地之所宜余故并吞
其所經歷包舉其所問答而囊括其語焉於是有五德
公子導余以喬關兮嵌雲路之龍從據尊夢之扼塞兮
羅萬象於景從聳巔屹之嵒嶭兮怯衣繡之乘馳盤七
曲而腸迴兮眴高目之瞇瞇瞰龍江之窅窅兮瀉白練

之霓虹余既登此絕嶺兮瞠乎前觀藐乎後視拾級坎
懷連步錯愕怔忡悸駭倦臨色勃久而後定乃渡木閣
馳青橋涉淩兢而惘惘兮列御風而憑空側身竄而撇
捷兮足秦法之重重巉飛棟戲巉巉兮屹浮柱而增崇
截王孫之便給兮礧礧礧而青蔥靄雲樓與霧蜃兮比
朝暮之仙蹤撓不足以爲術兮憫征夫之溟濛儂鞠躬
而進登兮殆躬馳之形容馳丹梯下峻阪兮擬抱甕之
忡忡亦既身倦而神罷兮乃偃息乎崖中訊徃路以前

山兮越馬道與武關參嵯峩路偏側狹隘騎不得方人
不得比吁嗟乎其赤帝之所興首咸陽以入關兮降子
嬰而要盟羽不得而爭驅兮適自茲以為兵故稱名為
劉壩兮意非此莫之與京因是以益遊乎與屏兮閱千
古之芳林於是有凌烟大夫挺瓊梧負霄漢迺余而言
曰繫前林之蟲蟲兮豈非皇華之岐嶷楸檜障以蔽天
兮鵬南溟之翼施旒虬龍之蹇兮雜遝糾會之標枝蕩
日月以扶疎兮幹輪囷而參差祀強梁而麗霄兮擣擁

腫而鵠夷楊郅偁而膚敏兮檉垂身而委隨節美秀而
喬修兮紛篁鐘之陸麗目極望而攢瞑兮何摧唯而鬱
伊悲落木之蕭蕭兮恣行人之浙吹風雨晦而濤起兮
響萬壑之隆墀余稔遊此室帘兮窺管天而冥疑馳豫
樟之絕榦兮駕鄧圃之平騎悵梁棟之齷齪兮雖牛山
其何為彼其衆夥之富山桃石榴樵柿苦李小棗檟柰
楂梨枵栗欽朱榮秘生意錯綜懸巖潛隱乎其中不可
殫述由是踰三岔窺姜嶺山益進而窠岌樹益竊而縱

橫憶岐豐之盛瑞播覽德之美名於是有綠衿使者麗
質脩儀且遂且巡其氣也愒其志也怜玃玃直前隳括
以此山之靈昔寶雞之耀羽兮托千里之峭嶸惟樊籠
之我求兮窮巖穴而多縈彼蒼鷹羅鷺紛修矜兮屬玉
交青鵠鵜鴛鴦晨風子規瀟瀟鷓鴣白練沙雞錦胸繡
臆累黔啄兮羗有萬而難并鵲占歲而音妙兮鳥聚散
而時鳴鶴宿霧而懷寶兮鳴呼類而為盟雉招搖而曳
尾兮鳩思婦而藏聲鵲獨立而不懼兮鷓依稀而將迎

鴻漸達而自得兮雁遞北而從兄其他角毒之屬又未
可以須臾傾蓋而語班荆而坐對也聊舉虎豹羣而畫
哮兮黃熊慢而遷延狼跋胡而恣遊兮豪豬放而盤旋
猱嫵媚而先後兮魑鬼逸而長便狡獬茁而豐茸兮麋
鹿呦而雲眠魍魎幻而躑躑兮狐貉衛而自賢余因聽
此富擬上林靡邁長楊公子王孫有智不能以施剗礪
羅穽有力不能以張王良何以歆趙主造父何以馭周
蹄徒靡思於行李噫何補於攀躋既騁草涼之墟復背

東河之西尖巒义呀隘若虎關凌遲委蛇下若抟鳥崔
嵬崑崙守若扼吭宋代之賢所以過元兵而漠北之雄
終不能向南鄭而窺也可不謂之壯哉天地設險高則
為山深則為水山之所峙水之所流余又見夫玄冥先
生之為費也濺洶濤泛瀆漲出崎嶇走澧漲隨余馬而
奔流諒余行而相望岌岌乎謫哉詭哉滔滔乎泓哉灩
哉南通汚漢北入汧渭粵衆派之汎濫兮觴礫碌之沓
沓徑經逶迤而迅駛兮礧礧而鏗鏘崢嶸震電之憑怒兮

營萬夫之阿房砥中流而瀆瀆兮沸枉尋而溶湯霈幃
蓋之澶澶兮恍白鷺之翱翔懔三軍之旋凱兮搖甲冑
之鉄袞撼韶濩之夜嗑兮奮馮夷之擊霓灑雲根之湍
篆兮濯白玉之琳琅邁蚪蚪之澣澣兮神太史之摛藏
三江駭而奔鯨兮穀洛鬪而非常瓠子決而訇湃兮呂
梁隘而飛浪未有似此之崛岉翻溢虓觸騰驤況其時
也竺寒凝嶺返凍呵僵冰崖珠絡雪嶽瑤光人思挾纊
之主屋存皸瘵之霜皓皓皚皚堅堅強強此亦過客之

壯麗奇觀也。瀟灑拂鬱滌沱，腎腸喜溢，睂睫樂忘。故鄉已而望秦塞之渭，紫瞻太華之麗，麓水東去而長辭翠漸微，而山促嗟乃平原之易地，豈非前代之雄都乎？余乃繫離懷於山水，寄餘情於巴蜀。障庾規之塵窮阮宗之躅，薊門烟月蘆溝曉暝，輝煌乎帝里蓬萊。今京屋世態無常，天時又速。余於是復冬往而春來，今殫未盡之芳蹤，忽寒暄之易劑。今訝風景之靡同，嵐開障麗石淦灘，渾鱗鱗出沒，鯪魴黿黿鳴族族，別孕鯢鮪獺入水。

而肆捕豺同巖而懷吞余始驚夫昔者之遁而今者之
溫故夫路蒨薈以彌深山爛熳而舒容百和異香徐來
應風衡杜荳蘭綠蕙幽離靡蕪菑莫山椒蓀萋有質無
名殆不可窮藁本射干石芥苾薑溫韭香菜赤根水芹
豐蔚之盛何其隆歟若夫寶藏之興太守夜懷六奇反
間熠燿繁光生乎古壙類乎石國則鳳山之產也黑金
巧冶積薪而鼓鍛鍊成剛許子之所耕而晉國之所賦
近代求猿伐木披荆又有夜光布網網牽百里則安山

之奇也玉版雲英非濤非倫燦如白雪膩如滑肌咸陽
不足論其價山陰不足供其資西蜀賴焉三秦給焉則
武關之藝也伊所居之棟宇兮樹板屋以層甍隨凸凹
以侏僂兮無風雨之暴傾飯土釧如上古兮然松膏以
為明性剛勁以質朴兮讓齊魯之蜚英挑雲水以上山
兮燒石田以為耕播種粒以有秋兮兼芋橡與蔓菁其
官府之所寓舍則譙樓麗棟盛鶴搖鈴重門雙闕井榦
華程黜堊壁飾後寢前廳無菑無害庖食具精勞乎遠

人達乎帝廷其衣冠之耀則祿不易常用其武弁間以
流官統以方面毋暴毋忝考其勤倦撫其民人而庇其
所縣嗚呼皇風清穆兮四海無虞山川奠安兮草木茂
殊我生值此兮何德之腴余去故鄉千里兮獨褊褊於
茲隅以高山為知己兮以流水為鍾期以喬木為朋友
兮以道路為箴規名不見成功不可知手胼足胝化不
轉移揚雄為之斛嘲崔駰為之達辭齊師幾北下王屢
齋惟守道以自全恐辱已而為嗤余故得假息於妙秋

之館沉酣於吏部之天先生見而哂嘲使者候之於長
吁大夫腹非於其側公子反脣而揶揄噫嘻何吾子之
倥傯兮勞不殫於僕庸荷一言之是訴庸再來之可乎
彼一握以為笑亦焉知吾之為吾匪區區之宦轍抑以
覽聖世之皇圖未敢擬司馬之遊不亦異博奕之徒非
聞子言孰策余駕言以足志竊效漢儒乃相與忘形共
賦於開山之途

浮玉磯賦

明

李若訥

浮玉磯者蓋斬江之勝觀黃郡之秀出截然中流欵而
律率斯亦不列於岳志絕紀於山經物有遘美人或採
靈觀銳玉之如削咨奇石之若零巔趾吳楚源流潛霍
縈波突獻佳名爰托砥柱錚錚標以磊落洪濤繞乎四
周遠脈亘乎叢薄似月之洲玉塵紛錯若木之華朱曦
磅礴諦登厥勢擅彼一方圓峯前曉截業球瑯馬口後
扼渠浹泂洋左挹諸岫唐帽玉屏右拍近麓麒麟鳳凰
收名區之醞釀擷上游之徜徉其為狀也浸百丈於蛟

窟獸一尖於練影彷彿巉巖憑陵菽井歸然天成屹以
日永磴長川其似柔挿孤空其欲猛雲根跬步而層層
霜骨凸凹而冷冷紆曲作枕於股肱綽約為延於項領
於是地形既据人巧載施緣紛糾而戢尋削路道而躡
踞瑩夷如砥化彼離奇雕石成檻即峻為基宛欺猷之
不濶羗窳窳以相宜撫瀟瀟盈於頰仰因突兀撐於崎
嶇層累道上苔帶參差鴻飛朝棟灑滿渚兮星簇夜疏
洩瀆瀑兮藻稅雲縈重欄複瓦桀閣脩梯文昌題下控

異地之明昌符升華之福嘏引三楚於目中劃九江於
袂把八牕熒熒宇宙咸聞四戶脩脩山川交輳儼列宿
其環枅擁紫微其庇厦太一巍崇如薦之竿鈎陳森列
似排之榱聳義文於獨尊散殷質於猶野混沌千秋一
旦而寫乃有翹秀之品穎俊之人登高寄思眺遠無鄰
扶搖九萬攬結三春呼佳儕而領畧商衆美而談論飛
鴻目送流水神親意匠則寥廓悉入手削則瀕洞為新
陟而帝座呼吸可因降而龍藏出沒有真掬綃珠於宇

淚起繡虎於文茵福綜法像瑞叶鴻鈞發江靈之鬱勃
宣文曜之幻神此其符采大義吐納彬彬者也若其寒
食梨雲重九桐雨芳草王孫臨淵漁父溯洄輕舸攜賓
侶主當萬頃之既凌望片石而來撫斥絲竹其勿喧愛
江天其欲譜徙倚登臨月光遙吐薄烟渲之上下川浦
笑起僧寮茗汁半茹咀彼清蔬揮茲塵塵採蠶帆而未
能引螺卮而願舞蹈綠苔之髣髴忘紫蘿之腥醺亦以
點綴玉痕潤色天宇無取於粉黛之絳綵鬼瑣之綺組

驚破天門之夢汰消佛德之祐至於僧田百畝蒲饌一
盂仰庇俎豆俯結精廬隔水鄉而不遠棲山閣而為徒
指杭稻以檀越守原本缺二字以苾芻升斗之水不減衣珠方
寸之名可代神思推其餘粒餐及寒儒篝燈之夜可熄
蛟人之歎歔肩玉之子皆揚帝宿之居諸抑又功德與
磯並泐福利將江並濡蘄蘄不朽何潤何枯

頑山賦

有序

明
黃淳耀

黃子遊豫章見水次有山塊然生黝然黑骨然立草木

泥土一不得附麗焉徵其名於土人皆不能答黃子曰
噫此頑山也放於寂寞之濱不能出雲雨見怪物感而
作賦且責且譽焉

茫茫太始厥初生山下根坤軸上薄玄間擢草木而為
髮涌金銀而發顏含陽吐霧祇包鬼關三浮瀛海五鎮
人竄鳥飛翻兮不極猿獫黠兮難攀峰復峰兮崒嵒澗
又澗兮潺湲吾獨怪夫南斗元精西江洪秀割為此山
肖形惟陋榮脈不分首脊相替側瞰無林平觀失岫合

類釜鬲分俸飮餌靈草避而不生零霞舉而莫就巨靈

擘之不能離始皇鞭之不能走吾得謚之曰頑異古初

之所授有如鼇岫春過蓮崖雨徧樹合疑屏花開似面

樵客往而路迷羽人來而目眩時維此山頑然不變如

彼朱門繁華相扇季路原思不離貧賤又若凜秋勁冬

千山其空桂枝惹菑松蓋牢籠霰雪加而如怒瀑泉激

而生風時維此山訕然炯炯如彼亂世干戈相雄黃公

綺季保其童蒙至若兩孤奇絕廬岳怪偉翠撲雲端繡

鋪谷裏遠喻連衡近同壓壘千巖仰之若附庸萬嶽奔
之若兒子嗟此山之不朝類海國之負恃彼萬夫之仰
觀繫仁者而樂之相陰陽而卜宅奉牲璧而禱祈非亘
地而凌轢百國即觸天而雲雨四臨苟其頑也類此復
奚取於山為若夫劫火揚灰洪流滅木澤竭伊洛之源
鐘響銅山之谷壞碑沉滄海之濱跛羊上廢臺之麓則
此山之堅完雖一毫而莫縮有踞齒之雕虎豎修頭之
赤精日經營乎窟宅思咀嚼乎含生有此山之發露乃

欵爾而遐征彼蛟龍之跳波雖捧土而莫爭立此山於
堤岸類屹然之金城桑沃若而春美黍翼然而秋成合
太氣於胚暉配神功之無名吾不知在天地者幾千萬
載豈夫人之所能輕方丈繇邈石閭杳冥吾將遊六合
而邁返求至道於山英

小湖山賦

明 楊守陳

要樂齋之庭有物焉埏埴所作煨燼所存體圓蓋法乎
乾質厚實本乎坤色黯如漆腹空若樽中外刻鏤作芙

集文其名曰何黥蓮之盆又有物焉出自崑山巉巖峯
客虎坐而垂頭熊踞而盤踞為岵為嶸有洞有壑勢欲
軼雲玉雪其色頂踵肥寬腰脅羸窄其名曰何玉壺之
石盈盈注水置石於其間水則萍泛鱗泳石則蔓丹青
殷渙漣漪於墀下涵煙霞於砌端不煩登涉剝足遊觀
故合而名之曰此吾洞天之小湖山也客有見者莞爾
語余此特一勺之水謂為何湖一拳之石謂為何山歟
余曰此洞庭湖也即禹貢之所謂九江此泰山也即舜

典之所謂岱宗客乃呿口揭脣兩手交拍而大笑曰子
何誕妄之甚哉夫洞庭之為湖也萬壑所趨九水所匯
包楚帶吳綿亘八九百里吞若雲夢者蓋不知其幾冲
融渺瀰漭潏滂潏駭浪洪濤震薄無際日月出沒乎其
中雲雷長育於其內節彼君山挿天盤地峙其中流僅
若螺髻十二其廣且大莫之與比泰岱之為山也造化
鍾秀為五嶽宗龍從崩巒上薄太空入歸鳥於決皆生
曾雲於盪胸道羊腸而上者越四十餘里然後至於天

門之內日觀之中猶未造乎絕頂然已視羣山如蟻封
黃峴石壁馬棚雞籠凡若此類谷峪崖峰嵒嶙迤靡纒
屬紛從跨齊越魯盤千數百里而青不窮其高且大莫
之與同子以勺水拳石為湖山固已不韙謂為洞庭泰
岱又何誕妄至此余曰至大惟天與地同道凡萬物不
能似天地何者非小故礪空四海稊米中國者北海之
若塊視三山盃視五湖者大鵬之鳥然則洞庭之於勺
水泰岱之於拳石相去安能以杪且物之小大定分固

異然性有所偏亦有相制彼春陽之比爐火日月之比
燈炬蛟龍之比蜈蚣犀象之比狸鼠此其小大之相懸
固不可同年而語然而凜冬一爐救春陽之所不燠暗
室一燈徧日月之所不燭蛟龍長萬鱗也見蜈蚣則驚
而縮犀象凌萬獸也覩狸鼠則畏而伏以此見春陽日
月之功尚小蜈蚣狸鼠之威尤大其可小勺水拳石而
大洞庭泰岱也耶然此徒差厥形未繫以理殊不知天
地與我並生萬物與我同體何貴何賤孰遠孰通舉筵

與楹西施與厲塵嶽涓河彭祖殤子分雖萬殊理則一耳故勺水即洞庭而拳石即泰岱其何分於彼此客乃歛容低眉端拱而請曰此小湖山者惟天地大之而已抑別有物亦大於此余曰方寸之地有湖山焉陋叔度之汪汪軼子車之巖巖豈惟至鉅亦復至纖其大則天下莫能載雖天下不足以窮至纖之則其小則天下莫能破雖天下不足以窮至鉅之域然其大其小無形無聲離婁之目不得而明師曠之耳不得而傾爾安得而

識之於是客若有慙長揖而去吾獨立於湖山之前仍
逍遙而容與

玄雲石賦

元
秉
桶

泗流迴淵禹朝步兮秉陰發奇靈鼇負兮玉質墨章浮
帝都兮廉辨以清協磬濩兮堅剛洞虛積玄感兮磅礴
太素屹空嵌兮靜居泊如日儀以湛兮虛一闡圖握九
讚兮八方宣明二儀竅兮抱形介貞合窈渺兮綢綢緼
緼道之奧兮肇稱玄雲吾將以觀衆妙兮

塵賦有序

明 謝肇淛

司李於齊齊地善風時而風則時而塵也車塵馬足之間為所困者蓋歲強半焉小人何知享其利者為有德乃作塵賦病之矣

陳王徙封於鄆殷憂寡豫翠幃空掩朱絃弗御永夜徬徨攬衣待曙乃指輕鑾肅柔轡敕朋尊出童騎曲蓋輦飛屬車鱗次肆遙矚於平川弔遐蹤於荒隧羨獨鳥之依雲怨枯枝之覆地於是殘暑既徂勁飈徐引白雁時

哀綠蕪半隕妍曲再行良醕未盡塵埃西來襲裾圍軫
王乃酌犀盃褰鮫帷咏將車於周雅歌彈冠於楚辭顧
謂仲宣為寡人賦之仲宣倚馬而揖蒙袂而進曰臣聞
蒼莽既升湛濁斯凝臯壤均結蓬塊飛騰禮取鳴鳶同
載莊喻野馬為朋軒轅思輔而入夢欒子克敵而見稱
起雲臺而悼逝揚東海而表靈陳蔡之炊偶墮萊蕪之
甑相仍又聞黑水食於玄蛇瀛洲輸於橘叟遇清歌而
能飛棲弱草而難壽丁約比夫兩劫瞿曇譬之三有夫

惟聖人和光而相同胡為乎揚堞奔軼而瞠乎若後若
乃亢龍行天熾鳥走阪時膏方屯烈景驕蹇勁幹摧頽
纖莖焦偃土耗數而成灰氣鬱怫而欲反於是雲起天
際風嘯木末白砂空飛黃塵野合其為狀也炎炎隆隆
貿貿濛濛飄如曳練卷如驚龍突如霧起覆如紗籠初
徘徊於馬足既糾結於林叢俄旋轉於廣陌遂翳漲於
層空霾川障海掩日韜紅天黯淡而無色山淒迷而失
容陵谷易位津原不通既隨駟而沒肝亦入軾而縈胸

埋錦茵而漾漾沾銀鐙而重重令人耳目聾瞶不知朝
暮心意迷惑莫辨西東至乃精室幽踪香閨靚嫵簾已
垂而過隙扉長扃而窺戶外凝果愚內委箇路上擁焚
燎下盈巾屨散漫牀帷飛聚編素秘笥啟而奪鮮文鏡
懸而失故振衣者望而嘆息膏沐者不勝抑怒其或選
勝構會弭節探芳金屏旣列綺席初張嬌歌始薦妙舞
載揚疑遠山之掩睇隨飛花而撲觴旨酒淤滓和羹秬
糠杯盤脩其狼籍侍從為之蒼黃若夫代馬越車南轅

北軌竭蹶名場崩騰利籍晨履繁霜夜隨殘魄垢汗巾
背蓬鬢覆額錯趾荒原接臂長陌素衣已緇鬢髮半白
形營營而靡寧意皇皇而不釋終槁死其未悔膏黃壤
於疆場瞻北邙之嶽嶽望荒墳之露積麋齧草於窪陂
狐嗥煙於陰澤翳陌上之紅塵皆當年之翕赫方夫炎
燄薰騰宵人望之而下拜及其陵谷變遷童子聚之以
為食嗟千古而一揆孰求歸其故宅乃作歌曰秋風起
兮水揚波樂事短兮愁懷多浮雲蔽白日士子當奈何

又申歌曰川東逝兮晷西馳歲方晏兮綠華衰君胡為
兮不回首逐遊塵兮能幾時歌曲未終王涕沾臆涓人
撒俎太僕旋軾無咎無譽與時消息

觀海賦

明王亮

壯矣滄溟號之曰海浩蕩瀰漫誰為之宰包宇宙之無
外兮納山澤之趨奔豈崑崙之發源兮疇岷峨之派分
昔浮圖之所不能竟兮豈漁父之所得聞時乎雲開霧
霽月朗風清萬里一色三光瀉明羅七緯於波底容億

像於鏡中長鯨巨蛟兮不知其凡幾也如蝓蚓之躍洿
池鮎鱐鯢鯉兮疇得而為紀也如糠粃之浮太空鵬翼
覆三山兮曾不足以當北溟之徑寸鼇足戴六極兮差
可云滄波之一塵艨衝巨艦橫亘千尋兮若風中之一
葉漁舟釣艇以萬億兮若天際之微氛舉首而凝望兮
忽而現島樹於有無之間極目而遠覽兮恍焉見扶桑
於河漢之濱初陽炁炁而直上兮紫雲捧明珠而團寶
蓋晚霞燦燦而掩映兮翠羽嵌金葩而砌玉鱗乃若天

邊雲變水際波生蕩漾而差池兮堆萬頃之琉璃淥皴
而文或兮布千機之綺綾羣鳥瞰波光而翼舞兮舟人
望清流而櫂輕其或飈翻浪湧魚鬪螭爭長濤雲噴巨
壑鐘鳴順風揚帆兮頃刻而千里至逆流鼓棹兮跬步
而萬山騰吾不知其從何而來也疇若斯乎混礪而滿
洪須臾颺息倏爾波平篙師拍手旅客懽聲覺向來之
怒號如浮煙之過空吾不知其從何而去也又若斯乎
日朗而雲紅逮夫春陽燠暝積雨初晴神龍吐涎蜃氣

乃成瑤臺貝闕兮參差而扇鼎珍禽異獸兮羣飛而隊
行惚恍兮馬童之舞鸞鶴蒼茫兮神君之駕虬龍琪花
萬朶而齊開兮輝煌而奪目珠樹千行而列翠兮葱鬱
而崢嶸西媼頽顏而陳綺席兮仙姝烏爪而奏瑤笙宛
矣七洲與三島兮謫哉十二樓而五城蓋羸皇之所不
能履也亦赤帝之所不得憑豈洪流之無知兮疇能爾
乎詭怪而靡詰抑小海之有神兮故若茲乎變幻而效
其靈墨客騷人兮挹清瀾而詞源彌瀚豪士瑰才兮觀

奇波而壯心若驚蓋豈徒誇觀濤之鉅麗兮夫抑亦羨
破浪之長風偉哉莫狀其景色之奇也且也猶譚其器
大之宏乎夫磊砢而戲波兮蒼莽自若萬棹爭橫而激
水兮渤澥逾澄旱魃隆而赤地千里兮浩淼之波無涸
涇潦縱而溪澗漲溢兮尾閭之浸不盈隘三江而失九
河兮若垂絲而曳帶藐洞庭而陋彭蠡兮直枯朽而瓶
罍信乎觀於海而難為水也乃孟子與之言為有徵嗟
余生長於東海之濱也亦相忘於蕩蕩兮而難為名

南海賦

明周用

處僻陋而無見恐不達于人情命豐隆以前導召義和
以輔行駕長風與鵬翼吾將周覽乎寰瀛祝融踴躍以
來告請載觀於南溟偉南溟之為器何容量之恢宏俯
而視之渺渺溟溟不見其色但聞其聲如混沌之未判
似太極之初形勾乾之與隤坤之庭居離之位括坎之
精浮天載地兮功之普藏污納垢兮德之宏朝來汐往
兮信之著周流無滯兮智之行磅礴兮桑沃之野連據

兮反戶之紘滄兮我鄰漲兮我親青兮我友瀚兮我賓
沮如夷獠控引甌閩揚越疆理荆益偏連區新效順灑
若來旋滴渤瀕涖浩蕩涯濇涓澮淪淪淪淪淪淪淪
無地浩浩其天若乃天風一鼓洪漣起怒恍兮六鼇兮
轉地維忽兮康回兮觸天柱冰岸湍湃而巉巖雪山涓
沸而跋扈漚渚振百萬之貔貅帳何物之可禦聚氣為
雲飛沫成雨流為江澤派為河浦浩浩皦皦成萬頃之
斥鹵資人育物來商會賈國家之財於是而聚絲巴蜀

之井毫河東之鹽鯀兮掉尾而漲百川之水鼃兮舉首
而冠三神之丘張月為電兮閃閃鼓浪為雷兮公樹
發鼃鼃之背石生鯨鯢之頭文鯢一息而萬里大鯢一
瞬而千秋或化垂天之鳥或吞萬斛之舟或豚或犬或
馬或牛或虎而翅或豹而翔名龍名虎名鹿名麋為子
為婦為嬙為娼元元怪怪孰得盡詳鼃石枹浮而收子
鼻肩骨枯而化魚六眸之龜三足之鼃玉出罄魮之身
豈止崑岡之璞珠出肺鼃之涎奚啻老蚌之腹綸似綸

兮組似組草之文理兮生於潮之滸青為青兮紫為紫
菜之佳味兮生於灘之嵒海市兮縹緲蜃樓兮盤紆鮫
人兮有室淵客兮居廬黑珉兮玳瑁紅潤兮珊瑚可貢
兮琅玕可器兮碑礫或淮夷之大貝或黃帝之玄珠犀
牛海馬罔象天吳何靈怪之不有亦何珍寶之不儲所
見者已不可盡記所聞者孰得而言諸爾其包括廣大
發育無極洲嶼逶迤島谷巍崩為祥為妖胡能盡識驚
驚五采世樂五聲畢方一足鵜鵜比翼玄鶴舞兮遐齡

鳳凰飛兮覽德蛇兮百尋魅兮三尺鴉鳬潛藏猾表隱
匿跡踢三首旄馬四節黑人啖蛇黃獮食鐵猩兮能言
德兮無口鷄兮人足鸚兮人手若夫小邦大國羅布星
碁獻琛奉珥入我皇畿丹穴赤土黑齒黃支交趾古城
暹羅麻羅真臘伽臘佛囉毘囉發拔勿拔登流墮河阿
陵大食佛齊閣婆乃有求貨之賈懷寶之夫出絕域入
異都遊鬼國泛山居出沒於魚龍之窟來往於陽侯之
區望北極之宿導指南之車經數年而未返烏知浩蕩

之所如亦有韜光之士晦跡之儔或隨任公之釣或礪
詹何之鉤既揭帆而鼓楫乃浩歌而叩輶得一樂而自
適終天趣以忘憂吾於是歷炎州之沸水上長洲之青
丘過流火而弗息入紫瓊以遨遊召衆仙而作樂兮瀉
玉漿以為醪採紫芝以為糧兮裁火浣以為裘命雲師
而再駕兮遡赤水之悠悠上崑崙之頂兮視天下之衆
流信南海為大兮無匹無儔歌曰夏王掘注任苦辛周
王德洽海無連處置得宜動天地海嶽效靈豈無因黃

龍橫波終無益白鵬沉水空沾臆事變物移乃自為山
海豈能助人力厓山千古有忠魂呂嘉逆命更誰論流
芳遺臭今何在舉首惟有餘波存安期飛昇不復返紫
雲白鶴一何遠乘風破浪待何人且作遊仙入天閭重
曰人物涵育澤濃濃魚龍出沒勢洶洶桑田欲變果何
時地久天長只如斯東海雖大兮精衛含悲西海既遠
兮弱水難支曷若南海兮為天地之池

海若賦

明 洪翼聖

神禹氏錫玄圭之歲河伯淮侯江婁漢陰丈人同朝海
若各爭長淮侯歌曰余瀉桐柏兮洋洋會泗沂兮湯湯
枕豫控潁而漾維揚兮滔天蹴日之茫茫余應長漢陰
丈人歌曰余發嶓冢兮汨東流過大別兮亘神州南迤
會而匯彭蠡兮漉汗瀟湘之浮浮余應長江婁則歌曰
余分井宿出岷山兮瞿塘險絕闢雄關兮過洞庭而蕩
金陵天塹渺沔之迴環兮余應長河伯則歌曰余從天
上來兮聿經積石回兮巨靈崩秦關開兮千年一清

聖人催兮變幻沸潰山可陟而嶽可頽兮余應長日出
而爭至亭午弗決河伯曰盍決諸海若於是順風而趨
蒲伏再拜而詢海若曰四子爭長請決諸海若驟然而
咤曰噫何若輩之自多也亦知余乎歌曰歸墟廓兮納
百川地輪麗兮天門連出日入月兮八紘穿海童天吳
兮靈變陽冰陰火兮赭然鮫人綃室兮涓泮長鯨奮鬣
兮刺天蓬萊五山數萬里巨黿負焉奚啻乎石之一卷
其他裸人之國黑齒之方軒轅千歲之野汪氏跨海之

鄉鍾山燭龍之閃閃建木若華之蒼蒼莫不島接而波
擁芻芻以忽荒然余竊謂天地之在空中無異籠鳥余
在天地中藐乎至小觀大壑而知巨浸之細觀無形而
知有形之微余方驚心於溷濶而却步於希夷若輩胡
為乎爭長而耀輝於是河伯淮侯江婁漢陰丈人悵然
失容悵墨稱謝相與望洋而歌歌曰道生虛廓兮無漢
垠天墜襲精兮莽莘莘返無始兮化紛綸劃然而遐眺
兮解號呿

南海廟賦

明 鍾夏嵩

歲閏逢之貞吉簡元辰以東馳蹟扶胥之隄道仰閼宮
乎歸巖經牛女而分域鎮百越以封基陞巨靈之異廟
貫長虹以蛟蛇通凌競之間闔迴髣髴乎咸池路礧礧
而如砥苑芳瑞之琴麗濯滄溟之瀨漾挹曦赫於岵夷
雲霞飄以遠結隱樛楠而陸離坐躡踵以緩步歛曠睎
而中疑類神輸與鬼作叢幻化之環竒吁可畏哉其駭
人也爾乃登高瞻眺堦垣嶺微拱揖密密削劣森集參

唐玓瓌崔錯披勇乃若獐飈颺浪瞳矐掩光漭漭泌節
殍礧潰滂靈繼溘谷鷁霆蟲霜禺獮刼其焚翫天吳奮
乎周章水怪百出山靈盡翔乃徐觀乎狡獸之恐懼與
輕禽之頡頏沕寥既清鴻濛式廓慶霄氛氲渤澥融爚
扶桑驟暉崦嵫碧煬蟪房如厓蜃嘘如閤見喬山之帝
都望仙子於廣漠飲沆瀣以永年拂纖襪而舛舛終臘
脫以長吁鄙前王之臆度羗重譯以祝聖偉丹鳥乎來
儀搏羊角而鵬化瑞龍門之躡蹠梁天潢以通極溘雷

煜而燄蜚茲所以睚眦皇皇蒸蒸如也爾乃歷玄墳順
朱宇臨層殿闢閭戶乍陰乍陽若瑤若瑀輻輳軼軼
齟齬水泉之所表正土圭之所測序著卜之所辨機
離輸之所營慮下苑施以縝紛上寵從而旁午赫璀璨
以迷眸流蚴蟉而延佇被椒桂以苾芬響琤琮其鳴堵
噌正橫虹而糾霓噦輿凝嵐以結霧藻柎之翹翹璇璣
之撫撫文楹之玼玼繪軒之訐訐枅振金碧以璫璫
馥丹堊而騰翬穹窿窈窕以窈窕蠖蠖蚺蚺乎容與斗

宿施於上榮光燭天而列炬殷雷應其鏗訔怪銅輦之
在虞忽縹緲以來窺森鬼神之攸芋履欒檣塞長離走
屏翳撫馮夷靈霍擊霍飛廉獻颺燭龍夙爛纖阿盱眙
肆靈媧之鼓舞列裔皇乎踵隨械厲魁於山麓溺旱魃
於滌漸信王威之顯灼雲衆變之披離朝吾行於陽嶼
求韓蘇於故碑詠清風以曠興訪古哲而諏咨認先公
之手墨追遐軌之不羈擬扁舟之逸約陟羅浮之廡戲
冲予褰其感慨悲昔是而今非春與秋其代序指長天

以為期又遊覽乎貞珉之華藻與百禩之章儀徵前言
之洽識維蠲德以昭禋肇徽號之既正質冲漠以無疑
練禴祠之淑旦禮壬林乎孔時奏嚴鼓之闔門齊象服
之攸宜播祥煙之醴醕錙珮玉以歲黹登降獻其明潔
鏘褫覆乎如茨龋雨暘以玄化物阜滋乎丕丕殿濱隅
以永鞏休邦國於允釐矧皇衷之虔格禱麟趾於昌期
神歆馨以配命感協氣乎清夷紹前星之炳耀襲寶祚
以重熙建乾坤之貞兆攄六經以登辭鴻典錫以報貺

澤塗涌而參滴，盱蠻漫乎洋溢。靈浸微乎幽微，亘宇宙以彌極。與大明而長祗，維仙岑之奧宅。曰祝融之所司，彼廟貌之矗鬱。豈徒壯山海之繒締而已哉？復系以歌曰：破礪砭，踞鼇極。兮嶺嶢峴，嶙水瀆。泐兮三精炯，靈葆神宮兮湛恩。汪濊滂泐兮蔚紫蔥，翠靄靄。兮參玄肇化機，潛沕兮肅肅敷。敷龍駕遊兮磴磴翼，翼景物鳩兮儲祥。沕祐福南土兮嘉裡禮虔，餘慶溥兮鏗鏘樂石。滌澗芳兮手披雲漢，握瑤璫兮。

大江賦

明 薛章憲

渺大江之西來浩百川之東走
蝨蜒蜿蜒蛟蚪蚴糾源
發於蛾眉匯會於峴首沃遙天兮欲浮劃大地兮若剖
夾右碣兮趨溟渤揚左蠡兮灌澤藪始生於一終成於
九三峽倒兮呂梁懸百川灌兮泰山溜突兀駕空兮巨
靈奩巔鏗兮觸石兮長鯨哮吼三百其名三千其支起
於濫觴入於漏卮如諸侯會同不愆於儀如萬馬奔軼
不失其馳過九河兮傲海若冠四瀆兮侶馮夷西至下

雋東為中江轉地軸拍天杠汨混沌壓鴻龐醜為陂池
怒為濤瀾隨月盈縮鎮日瑱淙瀾漫澎湃震撼擊撞鐵
騎嘽嘽金鼓撻撻意恣睢而益驕氣偃蹇而未降最爾
吾土截然居中式遄其歸獨當其衝高墉屹兮如雲長
堤偃兮如虹既攬其角而掎其足亦扼其吭而搥其胸
我有餘守敵莫能攻於是解甲迤邐投戈雍容然後洪
舸舩艘巨艦聯艘轉輸絡繹貿遷通融駕萬斛兮南北
候五兩兮西東往來隨風候忽轉電長年謳歌黃頭舞

忭日五彩兮鎔金月一色兮如練南控甌閩西通淮甸
百貨至集千艘魚貫故夫家樂業民安居操奇贏以懋
遷擅沃饒而蓄畬市三倍而利近畝一鍾而羨餘賢川
通以埒封貨山積以儲胥陸處棟宇水行舳艫燕中唐
兮陳趙舞棹中流兮發吳歛粵有美人湛然清曠仰視
飛鳥俯翫遊魚臨清流以徜徉淩倒景而踟躕慨宇宙
之寥廓悵日月之居諸乃歌曰川之渟泓思復吾本然
之明川之淨虛思去吾舊染之汚如曾點言志曰浴乎

沂子在川上曰逝者如斯夫苟徒知翫物而適情又何異乎淘河與雝渠

一江賦

明祝允明

伊斯江之為物也渾瀕決漭虹潰混漾漢膠瀉以滂瀆
減澆潏以汨宗溜汎漭潏溟漫而澎滂浩浩湯湯汪汪
洋洋溱兮青蒼渚兮迷茫廓兮而康宸吐日吞月漸玄
漬黃蓋自堪輿之開闢化機之翕張儵帝滌源鑿混沌
以利涉昊天設險畀聖明而為防是以蕩五嶺漂三湘

帶吳楚襟荆揚拍蓮掌滋扶桑會地脈兮連天潢決兩
儀兮洽八荒兼三才而共濟束一統之華邦信矣天塹
雄哉谷王所謂祖百川而父五湖弟四海而兄三江者
歟觀其千古之有常五彩之時彰金焦相銜乎舳艫煙
霞互織乎帆檣或扇以蠖蛄則雷霆忽助其震盪或媚
以晴旭則金碧緩搖其景光或微生漸而冰花雪蕊激
底品之神爽或淨如練而天經地緯開萬世之文章容
成袖手以廢歷監亥趼足於窮疆璿璣玉衡雖虞廷之

儀欲測和鈞關石計夏府之器難量涵泳四靈神出而
鬼狀沉浸萬象龜游而龍驤玄妃往來採明珠而拾翠
羽法駕上下乘清風而御陰陽至矣乎微妙理於蠶絲
諒托始於濫觴若夫蛟窟散處龍宮深構瑤房九重貝
闕雙轆水精之柱駢立火齊之瓦鱗覆懸珠作燭梁飛
萬萬之月團絡寶為簾簷走千千之星宿其下則有瑪
瑙碑磔琉璃珊瑚決銀汞以成池築璣璠而為區五金
夜發競光華以呈乾后萬珍日產如沙礫之走坤輿其

上則有彌天作帷極地為載遙岑輕抹卿雲微帶月娥
臨鏡以修眉天女沐髮而勻黛齊州回繞斑斑九點之
紫煙仙府平臨朶朶三霄之翠蓋其中則有鯁鯁鰭鯨
玉柱銀珰河伯導旗海客寄綃風從吹浪之江豚雷應
鏗鐘之蒲牢羲和鎔金沸洪爐之衮衮馮夷剪雪翻銀
海以滔滔其傍則有蘆洲戰煙牙檣挿天蓑笠鳥道燈
火漁船風疑軟沙而鷺立雨浥厚莎而鷗眠福地洞天
巢鷺鶴以遐峙萍花荇葉映瀾鵲而淪連至於龍堂曉

雲僧艇暮月善才之石砥定毘盧之閣嵒嵒郭賦鳴萬
夫之喙陸泉激千人之舌物遇之而拔凡品人鍾之而
為世傑邦家倚之而治忽古今由之以興滅傳諸圖經
登在國牒灝灝泔泔未遑暇以殫述也若稽使君於斯
奚取我契其大才學志度是故語其才也如江之波東
底瀛壺西起岷峨蹙瑤花兮沓沓爍雪山兮峨峨飛濤
濺空兮瀆千堆之沫驚湍擊地兮旋無底之渦撼紫皇
之寶宮倒織女之銀河無遠不至跬步數州之域有重

必載鴻毛萬斛之艤轟轟乎霹怒霆而迅驚電擾擾乎
舞蚪蜃而飛鼉鼉通四夷之歸王象貝文犀湧梯航而
霧滂入九壑之貢賦錦衣玉食紛帆席以雲摩濟天下
兮往來又豈俟於盈科語其學也如江之濶書名淮東
之院堂有富文之顏絳摹綈聯梓雕銅刊六籍眎莫百
家周完富誇牛腰之軸勤助熊膽之丸口誦手校左墨
右丹騰萬口於千載據尺几而一觀若乃擬其志高惟
江有潮突乎其豪演乎其遙萬流秋毫千深斗筭莫不

障而東之以會同而來朝垓北初分即稱其拔萃汝漢
既決誰得而溷淆懷子胥之孤忠與伯若而為僚四瀆
首推其廣大六合咸讓其并包方其度洪惟江有容元
氣流通乾坤混融衡截海內平分域中際天淵於不二
齊物我於大同引重致遠通其變於不息含垢藏疾淨
諸有於太冲高以下基當其無有有之用滿而不溢天
下莫與汝爭功大抵陳事之方有通有會放之彌者收
必密極其細者生乎大如其大而不約恐華談之已泰

故觀江之說則疑其過夸審一之理乃識其非汰交助
互益非人奚待嘗試問於江靈察川勲之攸在是故符
堅翫之而狼戾江總恃之而顛沛壯從擊楫之祖生奇
賞燒舸之黃蓋三國鼎睨六朝遞代水無變於安危人
每異其利害其故何也誠以天謨地烈積久無託縣縣
延延數千百年必至於我皇祖而始得其真宰也觀其
發祥於始蒙六飛之首波創業於成遂九重之斯屆煌
煌漢闕日照而月臨蕩蕩堯衢乾覆而坤載然後華夷

一統長通道於安流河漢九霄恒效靈於上界而有如
使君者又復沐浴恩波漸濡天瀨握提巡之專節守信
誓之若帶志業決內聲名溢外尚亦防之有法而備之
無憚俾外者無窮而內者不怠息揚波而清水怪盪天
驕兮淨紫塞甲兵洗兮玄圭拜旌功進爵加祿賚家流
國澤並汪濊一江晏然世永賴斯名稱情乃無愧賦而
揚之載采采

御定歷代賦彙補遺卷三